

من این حروف نویستم چنانکه کس ندانست
تو هم ز روی کرامت چنان بخوان که تو دانی

قران کریم آیت کریمه لرینک معجز افاده لرینه کوره

پابج

کاشغارلق مشهور محترم محیی الدین جان آخوند بابا قربان جناب لرینک

همنیله طبع قیلندی.

قیمتی

بزن تورك لیراسی-ایکی آلمان مارقهسی-اون ایکی مصر غروشیدر.

۱۹۲۲ برلین 1933



من این حروف نویستم چنانکه کس ندانست
تو هم ز روی کرامت چنان بخوان که تو دانی

قران کریم آیت کریمه‌لرینڭ معجز افاده‌لرینه کوره .

يا جوج

ماجوج . هاروت ماروت . اصحاب كئيف ، ذوالقرنین ، موسی خضر كې : ابراهيمڭ قوشلرى ، توراتڭ بقرهسى كې ، قران كرىم ده مذكور اولوب ده تفسیر صحيفه‌لرنده شو كونلره قدر همان حل قىلنامش آیت کریمه‌لری حل ایتمك آرزوسيله : هبر برینی آیروجه رساله‌لرده نشر ایتمك اوزره : برنجی دفعه ده شو « يا جوج » ى علم استادلرینڭ انتقادلرینه : تورك طلبه‌لرینڭ استفاده‌لرینه تقدیم ایتدم . شو کتابی یازارکن ، دماغم ده دعوی هواسی ، قلبم ده داعیه هوسی یوق ایدی . درست ، قران کریم آیت کریمه‌لری حقنده عصمت عقیده‌سی : امت اماملرینڭ نامتناهی بویوک حرمتلری حضورنده تأدب وظیفه‌سی دماغم فکرلرینه حاکم ، قلبم حرکتلرینه ده هادی ایدی . تقلید قیودلرندن فکرم تمام آزاد ایدی . طلب یوللرنده اقتدا نوريله اجتیا قوتيله حرکت ایتدم . اهتدا ایتدم ایسه ، اقتدا برکه‌سیدر . خلاقی البته یالڭز عجزم قصوریدر .

قران کریم آیت کریمه‌لرینڭ قدسیترینی محافظه ملاحظه‌لريله ، ارشادلرینی تنبیهلرینی انتقادلرینی لطف ایده‌جک علم اهللری بولونور ایسه . خالص تشکرلری هر برینه سلفاً تقدیم ایدرم ، ناصحانه سوزلرینی بویوک ممنونیتله قبول ایده‌رک ، سبقت ایتمش خطالری ارشادلريله تدارک ایدرم . انشاءالله .

استادلرڭ علم اهللرینڭ رفیقلى اولمق اوزره دگل ، بلکه طلب یوللرنده بویوک رغبتله سیر ایتوچی طلبه‌لرڭ واردلری یاخود راندلری اولمق اوزره : کتب خانهم غیابه‌لرندن شو کتابی مطبوعات بازارینه چیقاروب ؛ حز جیل یوسفلرینی اوفاق پاره‌لره صاتمش زاهد برادرلر کې ؛ حرکتلرینه رغبتلرینه رغبتلی طلبه‌لره فائده ویرمک امليله ، « بئمن بخش دراهم معدوده » عرض ایتدم . اساس مقصدم قران کریم کلمه‌لرینه آیت کریمه‌لرینه اهتمام ایتمک ایدی .

موسی جارالله

بسم الله . الحمد لله . وسلام على عباده الذين اصطفى .

رب اشرح لي صدري ويسر لي امري
واحلل عقدة من لساني يفقهوا قولي .

طلب يوللرنده بنم ادبلم

«جهان نما» كې كتابلرده ده حكايه قىلنمش مشهور «جوابلرى يوق اوچ مسئله» (*
فقهيهرلك جوابلرىنى يازمق آرزوسيله . ۱۹۱۱ سنه لرده طبع قىلنمش «روزه» اسملى
كتابم ده ، ذوالقرنين قصه سنده اسلام عالملىرىنىڭ لسانلىرى قلملىرىلا بلا ملاحظه بلا
مىزان سويله نىمش سوزلى حقنده تأسفلىرىمى تقدىم ايتىم . ۱۹۰۹ سنه ده طبع
قىلنمش «عقیده الاهيه لره نظر» رساله لرنده ده ذوالقرنين اسكندر اولمق تفسىرىنه
مترتب مفسده لرى ده استبعاد لسانىله سرد ايتىم . قران كرىم ده مذكور هاروت
ماروت ، ياجوج ماجوج ، اصحاب كهف ، ذوالقرنين كې بويوك اهمىتلى قصه لرده
اسلام عالملىرىنىڭ اوزون قىسه بيانلىرى بگنا هيچ بر قناعت ويره مه يور ايدى . عقلدن ،
نقلدن افاده دن او قدر بعيد بيانلىرى يالكتر حسرتلىرىمى زياده ايدى بيلورلردى . طلبه لك
سنه لردن صوڭ كونلره قدر . قلم ده اولدقجه شديده بر حرج ، فكرم ده بويوك بر
حيرت دوام ايدردى .

الم تر انى مذ ثلاثين حججاً ارواح و اغدو دائم الحسرات

امت اماملىرىنىڭ نامتناهى قدرت علميه لرى ، نامتناهى كرامت الاهيه لرى حضورنده
ادب وظيفه لرىنى تمام بيلور ايدىم . امت اماملىرىنىڭ سنت سنه لرىنه اقتدا ايتوب ،
حقيقتلىرى طلب يوللرنده هر انسانىڭ اجتهاد ايتىمك حقوقلىرىنى ده بيلور ايدىم . هم ادب
وظيفه لرىنى رعايه ، هم ده اجتهاد حقوقلرنىڭ استفادى ايتوب ، طلب يوللرنده حرمتله
حرىتله حركت ايدردىم . اقتدا يوليله اهتدا ايدردىم . تقليد قيوديله باغلامىق ، هم
صوابدن هم ثوابدن محروم قالمق ضرورتلىرى بن ده يوق ايدى .

(* [۱] كوندوزلى كىچەلى هفته ل آيلر قدر اولان اقليمده روزه مسئله سى ، [۲] مكدن باشقه ، همه جهتلى قبله اولاييله جك بر بولونوب بولونماق تقدىرلىرىنه تعلق صورتلرنده ، اوچ طلاق واقع اولوب اولماق مسئله سى .

طلبت يقينى فى الاصابه راغباً افكر ارجو اصول الفكرات

رياضت: ادب، منطق كلام، فقه، اصول، فلسفه علوملرينه عائد متأخرون قلميله
تأليف قينمش متون شروح حاشيه لرى تمام اوقودقدن صوڭ، امت اماملرينڭ بويوك
اجتهادلريله تأليف قينمش علوم خزينه لرينى ده سنه لرجه مطالعه ايتوب، فكر ملكه لرينى ده
حاصل قيلدقدن صوڭ، اسلام اثرلرنده بولونوب ده، همان حل قيلنه مامش مسئله لره
نظر ايدر اولدم. برى ديگرينى يا ايضاح يا تكميل يا انتقاد ايتمش اسلام مجتهدلرينڭ
مختلف افكارلرينڭ قوتلى نوزلريله او مسئله لركڭ بعضلرينى حل ايتمك يوللرينه ده مهتدى
اولور ايدم. مذهب اماملرينڭ تعليملرينى متعدد مسئله لرده بعضاً تكميل ايدر ايدم.
امت اماملرينڭ اجماعلرينه ده احياناً مخالفت ايدر ايدم. امت اماملرينڭ نامتناهى قدرت
علميه لرى قلم ده راسخ اولق قوتيله، مخالفت دقيقه لرنده آزچوق معذب اولور ايدم.
مثلاً: رقيت كې، نسخ كې، ادله شرعيه كې اڭ بويوك مسئله لرده امت اماملرينڭ
اجماعلرينه مخالفتم بڭا او قدر آغير اولمادى ايسه ده. بالنسبه دها زياده آسان كفارت
مسئله سنده دورت مذهب اماملرينڭ اجماعلرينه «روزه» صحيفه لرنده مخالفتم بڭا غايت
آغير اولمش ايدى، حتى بر قاچ هفته اويقولمى ده اوچورمش ايدى. بنم كې
طلبه لركڭ ده نائل اولاييله جكلرى نتيجه لردن امت اماملرينڭ عجزلرينى يا غفلتلرينى قلم
قبول ايدم، تمام ممتنع صايار ايدم. او كوئى احوال روحيه مى، احوال
فكريه مى «روزه» ده [۱۹۱-۸۴] صحيفه لرده يازمش ايدم.

هفته لرجه حيرت ايجنده. بويوك اضطراب ايجنده قالدم. فكر ايدر دم، ذكر
ايدر دم. عاقبت، وجودمه بر سكونت، قلمه ده بويوك بر سكينه نازل اولدى.
الا بذكر الله تطمئن القلوب. ديدم: «اجتهادم فى الله ايدى، فكرم خالص لوجه الله
ايدى. نه بدايت ده، نه نهايت ده هيچ بر نفسانى فانى غرضم يوق ايدى. قران كريم
آيت كريمه لرينه: شارع حكيم عليه الصلاة والسلام حضرتلرينڭ سنت نبويه لرينه،
امت اماملرينڭ اجتهادلرينه اقتداركڭ قدر نظر ايتدكدن صوڭ، سنڭ اختياركڭ قالمادى.
گناهكڭ قالمادى. نصيبكڭ محصولكڭ نه ايسه، سويله، ياز. هيچ بر بأس يوقدر.
فكركڭ صواب ايسه، تبليغ فرضدر، سويله مك يازمق وظيفه كدر. خطا اولور ايسه،
بر باشقه سى تصحيح ايدر.» وجدانم سوزينه قناعت ايتدم.

امت اماملرينڭ بيانلرينه يا خود اجماعلرينه مخالف اولسه ده، بوڭا كوره، فكرلرى

حریتله حرمتله هر وقت یازار ایدم. طلب یوللرنده بنم ادبلم. مخالفت صورتلرنده
بنم عذرلرم شو ایدی. همان شودر.

۲

یاجوج مسئلهسنده بنم نظریه اساسلی:

کفارت مسئلهسنده گی کی بویوک بر اضطراب، شدید بر حیرت یا جوج مسئلهسنده
ده بن ده تکرر ایتدی. لکن سببلی تمام باشقه ایدی. امت اماملرینه مخالفت دهشتی
بوراده یوق ایدی. دورت بش نقطه ده حیرت ده قالدیم:

(۱) اشاعیا، ارمیا، حزقیال، یوئیل- کی عهد عتیق کتابلرنده، لاهوتی یوحنا
رویالری کی، عهد جدیدده ده، یاجوج ماجوج قصه لری یالکتر استقبال فتنه لرینه عائد
خصوصلرده ذکر قیلنوب: ذوالقرنین کی بر قاچ بیك سنه مقدم زمانلره کوره یاجوجک
ماجوجک ذکر یوقدر. یعنی. سورة الکیف قصه سی مستقل قصه در. عهد عتیق خیالاتیله
لاهوتی رویالریله هیچ بر مناسبتی یوقدر. روایت مفتونلری تفسیر صاحب لری بوتون او
خیالاتی رویالری تفسیر صحیفه لرینه ده نقل ایتمشلر ایسه، تحریفدر.

(۲) کله جک وقتلرک برنده بوتون بر یوزینی یاجوجلرک ماجوجلرک تخریب ایده جکلری
دهشتلی بوتون تفضیلاتیله لاهوتی رویالرنده عهد عتیق صحیفه لرنده: لکن فاتحلرک
بری طرفدن یاجوجک ماجوجک مغلوب قیلنه جکلری سورة الانبیاده بر آیت کریمه ده
ذکر قیلنمشدر. یعنی. قران کریم آیت کریمه لری عهد عتیق خیال لرینه لاهوتی رویالرینه
حکایه اولاماز، بلکه تمام مخالفدر. تفسیر صحیفه لرنده حدیث کتابلرنده او خیالاتی
او رویالری نقل ایتوب، قران کریم آیت کریمه لرینی یهود خیال لرینه یهودک رویالرینه
حل ایتک تحریفدر، قران کریمک اساس مقصدلرندن غفلتدر.

(۳) غوغ ماغوغ، یاخود، یاجوج ماجوج نامیله بر یوزنده هیچ بر وقت هیچ
بر خلق، هیچ بر جنس، هیچ بر ملت، هیچ بر دولت بولونمامشدر. یالکتر یهودلرک
رویالرنده خیال لرنده بولونمامشدر. قران کریم آیت کریمه لرینی او یولده تصویر،
یاخود، تصور ایتک هر حالده لا اقل اک بویوک غفلتدر.

عجب، اسملرکده غایت بویوک قوه سحریه لری بولونور ایمش. اوافق بویوک
کتابلرینک هر برینه عهد عتیق، عهد جدید، کتاب مقدس کی یالان اسملر، یهود انبیلرینک
معرفتیله، قبول قیلندقدن صوگ، بوتون مندرجه لری حقیقت مقدسه اولمق قوتیله

يهودلره، عاقبت نصارالره سرايت ايتوب؛ اورتا قرون ده خلقك قىلرینه ده عقلرینه ده علوم قرارلرینه ده حاکم اولمش ایدی. فلسطين برینه نسبتله او وقت اقصای شمال ده واقع تورکلرک آنا يورتلری، حزقیال ۳۹ نچی فصلك تأثیریله، غوغ ماغوغ يورتی تسمیه قیلنوب، نصارالرک خریطه لرینه ده «بلاد غوغ و ماغوغ» اسمیله نقش قیلنوب، عاقبت لغات کتابلرینه ده «ياجوج و ماجوج امتان من الترك» کې تعريفلر درج قیلندی. حتی اخوان الصفا کې قديم علوم مجموعه لرنده ده، جهان نما کې گوزل جغرافیا کتابلرنده ده حقیقت علمیه اولمق اوزره بیان قیلنور اولدی. تمام وبا کې، اسلام اثرلرینك هر برینه ده سرايت ایتدی.

يهود سحرلرینك او قدر بويوك قوتلرینه، اسلام عالملرینك ده بويله حاللرینه حیرتله تعجب ایدردم؛ قران کریمك معجز افاده لری حضورنده اویله اوافق بیانلری حریتله البته انكار ایدردم. لکن مسئله لری حل ایتمكدن او وقت تمام عجزم بنی تعذیب ایدردی. بوراده امت اماملرینك اجماعلرینه مخالفت کې دهشتلی برشیء یوق ایدی ایسه ده، واضح آسان نکتهدن بوتون: امتك غفلتی کې عجب بر حال واردر. بوگا كوره ده: اضطرابم زیاده اولوردی.

۴) عهد عتیق صحیفه لرنده یا-ندا حرفیدر. اصل اسم یالکز جوج کلمه سیدر. قران کریم ده ایکی دفعه ذکر قیلنمش یاجوج سوزنده یا حرفی اسمك بر جزئیدر. بوتون اسم یاجوجدر. روایت مفتونلری مفسرلر یاجوج حقنده بوتون عهد عتیق عهد جدید سوزلرینی بلکه تلمودك ده ماساللرینی تمام تقلید ایتدیلر ایسه ده، یاجوج سوزیله جوج سوزینك غایت واضح آچیق فرقلرینه، نیچوندر، هیچ بری منتبه اولامادی. نصرانیت خریطه لرنده غوغ ماغوغ یرلرینی کوردکدن صوگ، اسلام عالملری ده، نصرانیت خریطه لرینی قران کریم آیت کریمه لرینه ده حاکم ایتوب، تورکلرک آنا يورتلری اوزرینه «بلاد یاجوج ماجوج» اسملرینی نقش ایدردیلر. «ان هی الا اسماء سمیتوها انتم و آباؤکم. ما انزل الله بها من سلطان.»

يهودلرک قوتلی سحرلرینه، نصرانیت دنیاسینك بويوك جهللرینه یالکز تقلید ضلالیله، تورک کې بويوك بر امتله اوینامق، قران کریم آیت کریمه لرینی فی غیر ما انزل الله تنزیل ایتمك، قران کریم کلمه لريله اوینامق— بويله حرکتلری بن استبعاد ایدردم، حرمتله حریتله انكار ایدردم.

۵) عهد عتیق ده عهد جدید ده « جوج » تسمیه قیلنمش ایسه. قران کریم ده یاجوج تسمیه قیلنمق وجهی نهدر؟ حکمتی نهدر؟ سببی نهدر؟

مسی بر اولدقدن صولت: صواب عهد عتیق طرفنده می؟ یاخود قران کریم طرفنده می اولور؟ اسم اولدقدن صولت: فرض ایده ییک، هر یری-درستدر دیه ییک. لکن قران کریم ده بلا فائده « یا » زیاده ایتمک نیچون؟

قران کریم ده خطا بولونماز - لا یأتیه الباطل من بین یدیہ ولا من خلفه. تنزیل من حکیم حمید.

قران کریم زیاده سی ده البته بیهوده اولماز. وتمت کلمة ربك صدقاً وعدلاً. لا مبدل لکلماته.

شو ایکی حقیقت بگا ایمان نوریله ده علم ضیاسیله ده معلومدر. شو ایکی حقیقت قوتیله بن اوزون مدت تفکر ایتدم. مطالعه ایتدم. عاقبت، شو اختلاف الم ده غایت برکتلی بر مفتاح اولدی. قران کریمک یاجوجی جوج ماجوج خزینه لرینی بگا تمام فتح ایتدی. اوافق صحیفه لده بویوک حقیقتلری درج ایتمک یولیله، یاخود، دیگرلری کوزه لده صونمق هنریله، فتوحات مدینه (مدینه الرسول) غنیمت لرینک بوتون خمسلرینی مجاهد طلبه لره تنفیل ایده ایم. شو کتابی بالکتر شو مقصدله یازدم. هر جمله ده خطایم رغبتلی طلبه لره در.

۲

سامیرلک ساوی کتابری

یهودلرک عهد عتیق، کتاب مقدس اسم لرله معروف کتابلری: ۱) تورات: ۲) نیتون، ۳) مکتوبات اسم لرله اوچ درجه اعتبار قیلنوب، بونلرک مجموعینه قران کریم ده اسفار اسمی اطلاق قیلنمشدر.

«مثل الذين حملوا التوراة ثم لم يحملوها كمثل الحمار يحمل اسفاراً. بس مثل القوم الذين كذبوا بآيات الله. والله لا يهدي القوم الظالمين.» [۵-۶۲]، یهودلرک بوتون عصرلده ساوی کتابلرینه نسبتلرینی بیان خصوصنده شو آیت کریمه معجز بر نظم اولوب؛ امیره امیرلرن، باشقه ملت لرک هر برینه ده کیندلرندن رسوللر بعثلرینی بیان ایتمش مقدم اوچ آیت کریمه دن صولت، یهودلرک حمار اوزرینه یوکله نمش اسفارینه عائد مثل ذکر ایتمک آیروجه مهم معجز بیاندر.

اسفار يكرمي دورتدر. موسي عليه الصلاة والسلام حضرتلرینه نازل تورات
بش سفدر :

(۱) تكوين : آدم خلقتی ، نوح ابراهيم اسحاق يعقوب يوسف حياتلرینه دائردر .

(۲) خروج : مصرده فرعونلر النده بني اسرائيل اسارتی ، پیغمبر موسي تاريخی :

يهودك مصردن خروجی ، سيناده موسي حضرتلرینه تورات نزوللرینه عائددر .

(۳) سفر الاحبار سفر اللاويين : احكام عموميه : هم ده قربانلره عيدلرینه متعلق

تعليمات .

(۴) سفر العدد : بني اسرائيلك تيه بريه سينده گي حاللری : فلسطين حكومتلرینه

محاربهلری مائده ده [۲۰-۲۶] آيت كريمه لره .

(۵) سفر التثنيه - كلمات الاهيه . قران كريمه ده « وكتبنا له في الألواح من كل شيء »

آيت كريمه سنده بيان قيلنمش كلمات الاهيه لری ، موسي عليه الصلاة والسلام حضرتلرينك

بوتون وصيتلريني جامعدر .

شو بش سفر موسي توراتيدر . ير يوزنده اولگي امتره معلوم كتابلر آره سنده

الك مهم جهان كتايدر . الك قديم قانون كتايدر . سفر التثنيه بوتون توراتك

خلاصه سيدر . روحيدر . يهود اسفاری ايجنده آزچوق تحريفدن صاقلانمش سفر

وار ايسه ، تثنيه سفريدر .

سورة القصص ده ۴۳ نجی آيت كريمه « ولقد آتينا موسي الكتاب من بعد ما

اهلكننا القرون الاولى بصائر للناس وهدى ورحمة . لعلمهم يتذكرون » آيت كريمه سي

بوتون انسانلره توراتك اهميتي حقنده بويوك بر شهادتدر .

نيون - سورة البقره ده [۱۲۶] آيت كريمه ده « وما اوتى النبيون من ربهم » جمله

جمله سنده مذكور النبيون اسمي استعاره قيلنوب ، بني اسرائيلك حضرت موسي دن صوگگي

نبيلرينك كتابلرینه اسم قيلندی : (۶) يهوشع بن نون (ابن نوين) كتابی : (۷) القضاة ،

(۸) صموئيل ، (۹) ملوك . شو كتابلر حضرت موسي دن صوگره بابل اسارتينه قدر

بني اسرائيلك تاريخيدر . (۱۰) اشاعيا ، (۱۱) ارميا ، (۱۲) حزقيال ، شو اوج بويوك

كتاب : يهودلرك بويوك نبيلرينك كتابلريدر . (۱۳) هوشع ، (۱۴) يوئيل ، (۱۵) عاموس ،

(۱۶) عوباديه ، (۱۷) يونان - يونس ، (۱۸) ميخا ، (۱۹) ناعوم - ناحوم ، (۲۰) حبقوق ،

(۲۱) صفانيه ، (۲۲) حجي ، (۲۳) زكريا ، (۲۴) ملاكي - ملاخي شو اون ايكي كتاب

كوچوك انبيلرينك اوافق كتابلريدر .

مكتوبات : ۱) كتاب ايوب، قران كريم ده مذكور ايوبك گوزل كئايدر. اصلي
 عربيدير. قدر قضا مسئلهلرینه دائر مهم بر كئابدردر. ۲) مزامير - داوودك زبوريدر.
 عهد عتيق كتابلری ایچنده اڭ بويوك كئابدردر. ۳) نشيدالانشاد، ۴) جامعہ. نبی سليمان
 حضرتلرینه منسوب ايكي كئابدردر. ۵) راعوث. يهود تاريخنده معروف بر خاتوندر،
 نبی داوودك بويوك جدہ سيدر. ۶) مجله استر - عدسه نامنده يهود حوريہ سيدر. ايران
 شهنشاهلرينك برينك خاتونى ايدى. يوز بيك قدر ايرانليرك هلاكينه سبب اولدى.
 ۷) مراثى - نبی ارميا مرثيهلری - هيكلك دولتك ملتك انقراضلرینه عائد حسرت مرثيهلردير.
 ۸) كتاب دانيال. ۹) عزرا. ۱۰) نحيا، - شو اوچ كتاب بابل. ايران پادشاهلری
 عصرنده يهودلرک حاللرینه عاندر. ۱۱) كتاب الايام الاول. ۱۲) كتاب الايام الثانى.
 شو ايكي كتاب (نو خد نصر) بختنصر عهدنده يهودلرک حاللردير.

شو اوتوز آلتى كتاب - كتاب مقدسك عهد عتيق قسميدر. همه سى يهود كئايدر.
 يهوددن زياده نصارى النده بوتون نصرانيت كئيسه لرنده تلاوت كتابى اولوب. مقدس
 اعتقاد قيلنور. نصارى دولتلرينك بوتون قوتيله. نصرانيت كئيسه لرينك فوق الغايه
 بويوك اجتهاديله ير يوزينك بوتون لسانلرینه ده ترجمه قيلنوب. ميلياردرجه نسخهلری
 بوتون ير يوزينه نشر قيلنور.

عجب. يهودلردن زياده بوتون كئيسه لرک فوق الغايه بويوك شو اجتهادلری :
 قران كريم ده مائده سورہ سنده [۴۴] نجى آيت كريمه ده گى « بما استحفظوا من
 كتاب الله » جمله جيله سينك غايت بويوك بر تجلى سى ميدر؟ يا خود: الاعراف سورہ سنده
 « ساصرف عن آياتى الذين يتكبرون فى الارض بغير الحق وان يروا كل آية لا يؤمنوا
 بها. وان يروا سبيل الرشده لا يتخذوه سبيلاً. وان يروا سبيل النى يتخذوه سبيلاً. »
 [۱۴۶] آيت كريمه سينك مدهش بر شاهدى ميدر؟

۴

عهد عتيق مندرجهلری

يهودلرک اوتوز آلتى كتابلرينى بيان ايدركن، مندرجهلرينى ده اجمال ايتمش ايدك.
 ۱) بوتون عهد عتيق يالكتر يهودلرک تاريخلرینه عاندر. حتى توراتك اسفار
 خمسہ سى ده: آدمدن يوسف عصرينه قدر يهود پاتريارخلرينك حياتلرینه طبيعت ادبيه لرینه
 دائر ترجمهلردن منقبهلردن عبارتدر. نبيلرى تعظيم، تنزيه اسلامك حق غايت گوزل

عقيدەسىدر. بن بونى بيلورم. لکن عهد عتيق حقنە يهودلرڭ نصارالرڭ عقيدەزىنى دە تسليم طريقيه قبول ايده بيلورم. تحريفزىنى دعوى ايتمك فائدهسى يوق بر زحمتدر. اوزلى قبول ايتدکن صوگره بن دە موافقت ايدرم. تحريف. حتى صوگ عصرلرڭ منتقدلى معرفتيله دە اثبات قيلنمش ايسە دە. ضرورتى يوق بر دعوادر.

(۲) شوکونگى توراتلى لیکورغ قانونلرندن دە قديم توراتدر. تورات دە هم يهود تاريخى هم احکام الاهيمه واردر. تورات. بلکه بوتون عهد عتيق يهودلرڭ تاريخى حاللرینه ادبى طبيعتلرینه تمام مطابق فوتوغرافيدر. عهد عتيق دە نه وار ايسە. عصرلر بويىچە يهودلر دە البتە بولونمشدر. صدقڭ اڭ نھائى درجەسى دە مطابقت واقعيدر. ياخود. بوتون ير يوزندە بوتون عصرلر بويىچە يهودلرڭ اجتماعى اقتصادى ادبى حاللى عهد عتيق نسخەسىدر. يهودلرڭ روحلرینه وجودلرینه طبع قيلنمش تورات مھرى. عهد عتيق خاتمى هيچ بر يردە هيچ بر اقليم دە هيچ بر قولتە زائل اولماز. يهود عهد عتيقڭ هر بر اثرينه هر وقت صادق قالور. يهود «سمعنا و عصينا» ديسە دە. عهد عتيق روحيله سويلەمش اولور. بويلە ايکى طرفلى تطابق هيچ بر امت دە. هيچ بر کتاب دە يوقدر. غایت عبرتلى بر حالدر. يهود تلمودڭ، تلمود يهودڭ فوتوغراف نسخەسىدر. (۳) تورات دە، بلکه عموميتلە بوتون عهد عتيق دە جملەلرڭ قصەلرڭ هر برندن اڭ نھائى مقصد اڭ مھم نتيجه: تلقيندر. بويوك بابالرينڭ خلقلە ياخود ياهولريلە معاملە خصوصلرندە معرفتلى هنرلى بالالرينە مقدس بويوك درس کبى اعتبار قيلنور. حیات حاللرينڭ هر برينه تدبير اولاييلەجک گوزل مختلف مى نمونەلر بويوك بابالرينڭ ترجمەلرندن منقبەلرندن تورات صحيفەلرندە عهد عتيق صحيفەلرندە بويوك مھارتلە «انبيا» معرفتيله توپلانمشدر. يهود کاهنلرينڭ عفریتجە اجتهادلريلە تلمود دە دورت بش عصر ايجندە تفسير قيلنمشدر.

(۴) کاهنلرڭ شاعرلرڭ قوه خياليەلريلە، ياخود، خلقڭ قوه واهمەسيله اويدورلمش ماساللر، خرافى حکايەلر عهد عتيق صحيفەلرندە بولونور. واقى حقيقتلى خلقڭ عقلرینه تقريب مقصديله، ياخود، خلقڭ ادبى اجتماعى حاللرینه تأثير ملاحظەسيله بويلە ماساللر خرافى حکايەلر، حکمت عليه لسانلرندە ناصل استخدام قيلنور ايسە. نبوت لسانيله دە بيان قيلنە بيلور. تورات دە بويلە ماساللر واردر.

اولگى دينلرڭ قديم امتلرڭ ميفولوجيەلرندە بويلە گوزل ماساللر (مثللر) کثرتلە

بولونور. ھومېروس كې بويوك بر شاعرڭ يونان ميفلرېنە عاند شعرلرېنى غايت اصابتلى قوتلى بر لسانلە انتقاد ايتمش پلاتون كې بويوك بر الاهی حكيم فيلسوف اوزينڭ جمهوريت كې ضيافت كې كىتابلارندە بر قاچ ماسال يازمشدر. فيلسوفلارڭ الڭ بويوك امامى سقراط كې بويوك حكيم اوزينڭ تلميدلرېنە گوزل ماساللر حكايە ايدردي. سقراط، بلاشېه، موحد ايدى. اويلە ايسە دە، الڭ صوڭ دقيقه دە: حتى زهر اچدكدن صوڭرە، خلقڭ خرافى عقيدەلرېنە احترام يويلە، طب الاهینە ئەسكولاپ نامیتە بر قربان وصیت ايتمش ايدى. (*) حیات خستەلكلرندن ئولوم سلامتلكلرېنە نجات فدیەسى كې ايدى. یعنی، گوزل ماساللر، فائده ادبیهسى بولونور خرافى عقیدەلر نبوت حضورندە دە حکمت نظرندە دە معتبر اولایلور.

قران كرىم

خلقڭ ماساللردن خرافى عقیدەلرندن استفادە ايتمك جائزدر. اسلامڭ الڭ بويوك صوفىلرې الڭ بويوك الڭ مشكل حقيقتلرې غايت لذتلى بلاغلى مثل اسلوبلرېلە بيان ايدرلردى. لکن، مقصدلرڭ برېنى بيان يولندە گوزل ماساللرې گوزل خرافى عقیدەلرې. استخدام ايتمك احتياجلرندن تمام مستغنى تمام يوقارى اولمق جلالیلە، قران كرىم دە هیچ بر سورە دە، هیچ بر آیت كرىمە دە قديم جديد مثلرڭ هیچ برى ذكر قىلنمادى. قران كرىم دە «واضرب لهم مثلاً اصحاب القرية» كې. «مثل الذين حملوا التوراة ثم لم يحملوها كمثل الحمار يحمل اسفاراً» كې مثلر وار ايسە دە، مشهور معناسیلە، ماساللر، ميفلر، خرافى عقیدەلر قران كرىم دە يوقدر. كتب سماويه آرەسندە قران كرىمڭ شو جەتلە امتیازی غايت بويوكدر.

قران كرىم دە اولگى امتلرڭ، نبیلرڭ، ابراهيم يوسف موسى مریم كې افرادڭ اوزون قیصە حكايەلرې وار ايسە دە، قران كرىم دە تاريخ يوقدر. اولگى امتلرڭ نبیلرڭ افرادڭ حكايەلرېنى قران كرىم ذكر ايدر سە. هر وقت الڭ مەھم مقصدلە ذكر ايدر. متعدد مقصدلر آرەسندە عهد عتيق صحيفەلرېنى آزچوق تصحيح ايتمك افادەلرې

(*) شو گوزل وصیتی اخوان الصفا ۱۱ نھی رسالە دە، ۴ نھی جلدە فەدوندن نقل ايتمش ايسە دە، بويوك بر تحریفلە حكايە ايتمشدر. ياخود، طابعلر رئيس الاساة يرینە رئيس الابالسه يازمشدر. طابعلرڭ غايت بويوك خطالري ۴ نھی جلدە، ۲۵۹ نھی صحيفە دە ھاروت ماروت كلمەلرې حقندە اوچ سطرە قلملرېلە دە اثبات قىلنمشدر.

هر دفعه ده البته بولونور. نبيلكڭ حاللىرى حكايه قىلنور ايسه. ياخود. عهد عتيق حكايهلىرى نقل قىلنور ايسه؛ هر برى حقنده اڭ اهيلى اڭ اساسلى تداركلىرىنى قران كريم زياده ايدر. عهد عتيق احاطه سندن؛ تاريخك بىك بر كوزندن غائب قالمش بويوك واقعهلىرى مهم حقيقتلىرى احسان لسانيله قران كريم افاده ايدر.

«قران كريم آيت كريمه لىنىڭ معجز افاده لىنه كوره، سامىلكڭ انبىالىرى، سماوى كتابلىرى» اسملى بر كتابم ده عهد عتيق حكايه لىرى، قران كريم افاده لىرى، بعون الله بفضل الله؛ بن تفصيل ايتدم.

شو جمله دن؛ بوتون عصر لىده همه يهودلره نصارالره اسلام ملت لىنه؛ اشاعيا ارميا حزقيال لاهوتى يوحنا كتاب لىله، وبا كى سر ايت ايتمش مدهش يا جوج ماجوج عقيدەلىرى حقنده قران كريمك عجيب موجز معجز بويوك بر تداركيدر.

6

عهد عتيق ده يا جوج ماجوج

(۱) نوح اوغلى يافتك يدى اوغلى وار ايدى. برى جومر. برى ده ماجوج ايدى. تكوين ۱۰ ده؛ ۲ نجى آيت.

(۲) وارسل ناراً على ماجوج. حزقيال [۲۹-۲]. بوراده ماجوج؛ يا مملكت اسميدر؛ ياخود او مملكتك خلقيدر.

(۳) «يا ابن آدم؛ اجعل وجهك نحو جوج ارض ماجوج. رئيس روس ماشك وتوبال.» حزقيال [۲۸-۱]. بوراده ماجوج مملكت اسمى اولوب. جوج؛ مملكتك يا خلقيدر؛ ياخود مملكتك بويوك رئيسيدر.

(۴) «وانت يا ابن البشر؛ تنبأ على جوج.» وقل هكذا قال السيد الرب؛ ها انا ذا عليك يا جوج رئيس روس وماشك وتوبال. فاديرك؛ واقتادك؛ واصعدك من اقاصى الشمال؛ واتي بك الى جبال اسرائيل.» حزقيال [۲۹]

بوراده جوج بويوك بر مملكتك قوتلى بر خلقك رئيسى اولابيلور. مصر حكمدارى فرعون؛ عمالقه حكمدارى آجاج؛ روما حكمدارى قيصر. حبش حاكمى نجاشى - شو اسلكڭ هر برى حكمدارلكڭ عموى لقبليدر.

جوج كلمه سى شو تقديرده توركى اولابيلور. اصلى كوكدر. روسلكڭ؛ گوسودار سوزلى ده گوك سودار اولوب؛ ملك السما معنا سنده اولابيلور؛ گوك تاڭرى.

تورکجه قآن سوزی آرامی کوهن کلمه سندن آلمش اولماسه. اصلی کوكخان اولابيلور. عکسی ده احتمالدر: یعنی، کوهن کلمه سی قآن سوزندن آلمش اولابيلوب، عاقبت. کهانت سوزی ده اشتقاق قیلنمش اولابيلور.

بویله مسئله لرده ایکی طرفلی تخمین ممکندر. عهد عتیق ده مملکتک حکمدارینه اطلاق قیلنمش جوج سوزینک اصلی هر حال ده کوك اولابيلور. شو احتمال دهها زیاده غالبدر. سامیلرک لغتلرنده جوج سوزینک باشقه استعماللری یوق. تورکجه ده کوك سوزی چوق مستعملدر.

(۵) «يجلب الرب عليك امه من بعيد: امه لا تفهم لسانها. امه جافیه الوجه، لا تهاب الشيخ ولا تحن الى الولد.» تثنیه [۴۹-۲۸]

(۶) «ها انا ذا اجلب عليكم امه من بعيد، امه قويه. امه منذ القديم. امه لا تعرف لسانها، ولا تفهم ما تتكلم به. جعلتهم كقبر مفتوح، كلهم جابرة.»

ارمیا [۱۵-۵]

صوگ ایکی رقم ده انذار لسانيله بیان قیلنمش مدهش قوتلی بویوک امتک یرلری مملکتلری ۴ نجی رقم ده مذکور «من اقاصی الشمال» کلمه لریله تفسیر قیلنمشدر. اسکی خریطه لرده. قدیم جغرافیه کتابلرنده، اخوان الصفا کبی علوم مجموعه لرنده، ربع معمورک اقلیملری بیان قیلنور ایکن، تورکلرک آنا یورتلرینه بلاد یاجوج و ماجوج اسمی نقش قیلنمش ایسه؛ اصل منبع عهد عتیقک تثنیه ارمیا حزقیال کبی اسفاریدر.

(۷) «عددلری صانلری دینکلرک قوملرندن زیاده خلق جوج ماجوج بویوک شیطانک ایلینک سیاستله قوتلی دجالک قومانده سنده یهود اوزرینه هجوم ایدر. عاقبت، او قوتلی خلقک هر برینی الله خراب ایدر.» لاهوتی یوحنا رویاسی [۷-۲۰]

بوراده جوج ماجوج-یهودلره مقابل اولق اوزره بوتون یر یوزینک بوتون ملتلی بوتون دولتلیدر. «بوتون یر یوزینک دورت جهتنده ساکن جوج ماجوج» دیمک- یر یوزینک بوتون امتلری بوتون دولتلری دیمکدر.

اشعیا ارمیا حزقیال کبی یهود انبیلرینک نبوتلرینه کوره، لاهوتی یوحنا کبی دوربین بویوک بر یهودک رویالرینه کوره، عاصی جانی گناهللی یهودلری براز تادیب ایتمک تربیه ایتمک قصدیله، یهودلرک یاھولری یهود اوزرینه یهودلرک قوتلی دشمنلرینی، جوجلری ماجوجلری، یعنی، یر یوزینک بوتون ملتلرینی بر وقت سوق ایده جک.

قوتلى دشمنڭ شدتلى پنجهلريله يهودلرى تاديب ايتدكدن سوڭ . ياهو اوزينڭ بويوك مجدينى ، هم ده يهودلر حقنده بويوك محبتلرینی بوتون عالم حضورنده اظهار ايتمك اوچون ، غایت دهشتلى عقوبات الاهیة عذابلريله بوتون جوجلرى ماجوجلرى ، یعنی ، یر یوزينڭ بوتون امتلرینی تمام هلاك ايدر . يهود يولنده بوتون ملتلى قربان ايدر .

سوڭره ، یر یوزينڭ بوتون حيوانلرینی وحوشلرینی قوشلرینی قورتلرینی اوزينڭ قربان عیدینه دعوت ايتوب ، بوتون جبارلڭ سيموز اتلرینی ، پادشاهلڭ قانلرینی وحوشلره تقدیم ايدر . جبارلڭ سيموز اتلرینی ييوب يهود طوق اولور . قانلرینی ايچوب ، يهود سرخوش اولور . جوجلر تمام هلاك اولدقدن-سوڭ : همه ملتلڭ جنازه ماتملرنده یر یوزينڭ قوشلرینه قورتلرینه يهودلڭ ياهولرى طوی ويروب ، بويوك دوگون ياپدقدن سوڭ : قريهلرندن مدينهلرندن يهودلر چيقارلر ، بوتون یر یوزينڭ ماللرینی ال ده ايدرلر ؛ اولگى ناهبلرى نهب ايدرلر . غنائم بی حساب اولور . يالڭز حرب آلتلى حرب سلاهلرى بوتون قريهلرڭ بوتون شهرلڭ همه اوجاقلرینه همه حماملرینه همه قارىقهلرینه ياقمق اوچون یدی سنه طوتاش تمام كفايه ايدر .

شو سوڭ ۱۷ سطر : اشاعيا ارميا حزقيال يوييل كې يهود انبيالرینڭ كتابلرنده ، خصوصاً حزقيالڭ ۲۲-۲۸-۲۹ فصللرنده ، يهودلره مخصوص بويوك بر بلاغتله ، هم ده انتقامڭ اڭ بويوك لذتلىله . ياهولرینه ده بويوك حمد ؛ خالص تشكر عبارهلريله ؛ حكايه قيلنوب ؛ معبدالرنده مکتبلرنده ؛ بالارڭ قىلرینه تلقين . قانلرینه تلقیح يوليله ؛ بوتون عصرلرده تلاوت قيلنور .

عجب ، يالڭز يهود معبدالرنده دگل ، بلكه بوتون نصارالڭ كنيسهلرنده ده هر وقت مقدس كتاب اولمق اوزره تلاوت قيلنوب ، یر یوزينڭ بوتون لسانلرینه ده ترجمه قيلنوب ، هر سنه هر یرده ميليونلرجه نسخهلرى آمريقا انگليز آلمان فرانسه كې اڭ بويوك مدنيتلى دولتلرڭ اڭ بويوك قوتلريله نشر قيلنور !

يالڭز بر دفعه دگل ، ميليون دفعه عجب !

اوزلرینڭ معرفتيله تلقين قيلنمش شريعتلرینڭ ويره بيله جك نتيجهلرینی اوزاقدن كوره بيلممش يهود انبياسى يهودلره بوتون مدنى ملتلڭ استقبال ده عداوتلرینی ده كوره بيلمشلر ايسه ، بويله دوربينلك ده او قدر بويوك نبيلك حاجت اولماز . شريعتلرینڭ روحلرینی ، يهودلرڭ طبيعتلرینی ، ملتلڭ ده آزچوق حرمتلرینی براز آڭلامق كفايه

اید. لکن نعرانیت کئیسه لینه . عصر ر بونجه بوتون ملتک قلبلینه شو قدر بویوک نفوذک سری نه در؟ سحری ناصدر؟

سورة الاعرافک ۱۴۶ نجی «ساصر ف عن آیاتی» آیت کریمه سی بویله احوالک سرلرینی می بیاندر؟

بویله نبوتلردن بویله زویالردن بویله مکرلردن انبیلارک هر برینی قران کریم تبرئه ایدر. مکار عفریتلرک بویوک بلاغیله اویدورلمش بویله تلقیناتی ده قران کریم «واتبعوا ما تلو الشیاطین علی ملک سلیمان» کبی آیت کریمه لده غایت اساسلی بر یول ده تمام رد ایدر. مکر- لسانیله اویدورلمش اویله نبوتلری، بوتون ملتک حرمتلرینی حمایه یولنده، سورة الاعرافک ۱۶۷ نجی «واذ تاذن ربک» آیت کریمه لریله حقیق بر نبوتله تدارک ایدر. (صوتک قرق ایللی سطر ی براز اهتمامه مطالعه ایت.) جوج ماجوج حقنده عهد عتیق عهد جدید بیاتلرینی نقل ایتدم. هر برینک اوچ معناسی وار ایمش : ماجوج : (۱) یافشک بر اوغلیدر. (۲) بر مملکتک خلقیدر، (۳) یهودلره دشمن یر یوزینک بوتون ملتلی - ماجوجدر.

جوج : (۱) ماجوج یرینک خلقیدر، (۲) اوخلقک رئیسیدر، (۳) یهودلره دشمن بوتون ملتک حاکیدر. جوجک ماجوجک جنسیتلری حقنده، یرلری مملکتلری حقنده عهد عتیق ده آچیق بیان یوقدر. حزقیالک ۳۹ نجی فصلنده یالکز «من اقاصی الشمال» سوزی مملکتک جهتیله اشاره اولایلور. هم ده «رئیس روس و ماشک و توبال» سوزلرینی روسلره موسقوه لرینه طوبولسکلرینه حمل ایتمک کبی ظرافت سویله نه ییلور. سویله ایسه ده، یدی اقلیم اچینده طول عرض درجه لری معلوم یرلره، تورکلرک مملکتلرینه نصارالرک اسکی خریطه لرنده غوغ ماغوغ اسمی طاقیلش اولمق سببیله، اسلام اثرلرینه ده اورالردن سرایت ایتوب، قران کریمه ده مذکور یاجوج ماجوج سوزلرینی غوغ ماغوغ یرینه استعمال ایدز اولدیله. غایت بویوک بر غفلت، بویوک بر خطا ایدی؛ قران کریم کلمه لرینه ده آز چوق تهور ایدی. فی غیر ما انزل الله استعمال ایتمک جهتیله، تحریف ایدی.

۷

اسلام اثرلرنده یاجوج

حزقیال کبی لاهوتی یوحنا کبی مقدس کتابلرک قوتلی تأثیریله یاجوج ماجوج دهشت نمونه سی وحشت هم کثرت مثلی اولوب، اسلامک اولگی عصرلرینه ده معلوم

ایدی. عذافر اسملی غنی بر آدمک بویوک کرمی حقنده مشهور شاعر فرزدق شو
یتلری سویلهدی :

لعمرك ، ما الارزاق يوم اکتیالها
ولو ضافه الدجال یتمس القری
بعده یاجوج و ماجوج کلهم
باکثر خیراً من خوان العذافر
و حل علی خبازه بالعاکر
لاشبعهم عاماً غداء العذافر

یاجوج ماجوج قدر عسکريله دجال مهمان اولسه ایدی ، عذافرک یالکز بر
صباحلق طعامی اوبور یاجوج ماجوجلری بر سنه طوقلاندرور ایدی . یاجوج ماجوجلرک
قوم دریاری قدر چوقلق مثلله گوزل استفاده ایتمش بزم عرب شاعری یهودلرک
بویوک و اهمه لرینی ده استخفاف یولنده لطیف بر بیت سویلهمش اولدی .

عصرینک بوتون علوم لرینی جمع ایتمش اخوان الصفا مجموعه سی ؛ نجی رساله ده
جغرافیه ده «الاقليم السابع بلاد یاجوج و ماجوج والبلغار والصقالبه» دیکدن صوگ ،
۸ نجی رساله ده «یاجوج و ماجوج من وراء السد . هما امتان صورتیما آدمیه و نفوسیما
سبعیه . لا تعرفان التدبیر ولا السیاسة . لا تعرفان الا صید السباع و الا النهب
والغارات بعضها علی البعض . و یأکل بعضها البعض .»

تورکستان تورکلری بلغار مسلمانلری روس صلاویانلری حقنده علوم مجموعه لرینک
نهای غفلت لرینی کور . نصارالرک اسکی خریطه لری ، یهودلرک اوافق ماساللری اصل
منبع اولدقدن صوگ ، بویله بیانلر مستبعد اولماز ایسه ده ، نصارالرک یهودلرک غوغلرینی
ماغوغلرینی قران کریم آیت کریمه لرینه ده حاکم ایتمک ، البته ، چوق مستبعددر .
کشف الظنون کبی مهم بویوک بر کتابک مجتهد محقق مؤلفی تورک «جهان نما»
کبی غایت گوزل بر کتابنده تاتار تورک یاجوج ماجوج حقنده ، ۲۱۶ نجی صحیفه لرنده
بویله یازمش :

«او قوم بنی آدم آره سنده یولاد نهاد . آب و باد کبی . طبیعتلری حرکتی معتاد .
اهریمن قوت ، دیو نژاد . آتلی نه قوت استر ، نه زاد . بستان نخجیرگاه ده نهال
تیرلری نه بتوررسه ، آتی ییه لرلر ، بیابان ده بایل کبی یلرلر . نه کندولری یورولور ،
نه ده آتلی درلر . بیندکلری آته نه نعل حاجت ، نه میخ . ییه جکلری اته نه قازان حاجت ،
نه سیخ ، دریالرده سیاحت ایدرلر ، نه که میچی آرارلر ، نه که می . صحرالره سیاحت
ایدرلر ، نه صو کتوررلر ، نه آت یعی . کندولری کوهسار گیرو دارک قوردلری
اما قویون دریلری گیه لر . قورد و قوشک ، طیور و حوشک هیچ برینی آیورمازلر ،

اولۇلارنى دە درىلارنى دە يەرلەر . بىيان ھەرمان كىي . بىيەلرېنڭ دور زماندن دردى يوق . دھان صدف كىي بر دىشى دوگولمش . ياخود برگ خزان كىي بر يوزى زردى يوق . مرور شېورلە . آي كون كىي كوزلرېنڭ نورى دوگولمز . كرور دھورلە چرخ گردون كىي . بللرى بوگولمز . يوز ياشندە شمىر كىي يالك يوزلير . ياشلىرى بتمش پىكان تير كىي تيز كوزلير . درە كىي كوزلرى غايت كوچوك . قالقان كىي يوزلرى غايت بوئوك . آيلنرى كوهسار صلابت دە يالم قايا . باشلىرى صحراى مهابت دە يوجه اوئوك . شو كلامڭ مؤيدى : اتركوا الترك ما تركوكم . مادام كه سزه قصد ايتمەيەلر ، سزده آنلرە قصد ايتمەيەسز . غايت قوى ، تمام مرحمتسز ، وحشى بر طائفەدر . لسانلرى توركيدر . آينلرى دە آنلرە قريبدر . صوغوشلرە خاتونلرلە برابر كيدرلر . طوگوزدن غيرى حيوانلرى اكل ايدرلر . ياجوج ماجوج توركدر . اقصاى معموره دە ساكن قومدر . نسللرى چوق بركتليدر . عددلرى حددن زيادهدر . اطرافە يايلايدلر ، خلق امورينى افساد ايتديلر . ذوالقرنين او سمترە واردق دە ، خلق شكائت ايتدى . طاغلىرى بر كدكدن كيچەرلردى . يول او كدكە منحصر ايدى . اسكندر او كدگى قاپادى . بوئوك بر سد بنا ايدى .»

تاتار تورك ياجوج ماجوج سد اسكندر حقندە اسلام اثرلرېنڭ خلاصەلرى شودر . عسكرلرېنى ھر وقت ھر یردە دشمن حسابنە بسلەيىچى توركەر حقندە جهان نما ييانى ھم ذوالقرنين عھدينە كورە دە ، ھم ھونلر دورينە كورە دە ، ھم چنگيز تيمور كىي بوئوك جهانگيرلرڭ عصرلرېنە كورە دە ، البتە ، تماميلە درست اولابيلور . لکن ، اويلە بوئوك فتوحات تدبيرلرېنى او قدر گوزل كورە ييلمش تورك قوماندانلرى ، يھود كاھنلرېنڭ نصرانيت كنىسەلرېنڭ مؤرخلرڭ خياللرى كىي ، او قدر وحشى اولاماز . يكرمنجى عصرڭ بوئوك مدنيتلرېنى ، شو كوئنگى جهان محاربەلرېنى ، بولشەويزم انقلابلرېنى دە كوردكدن صوڭ ، فرض ايدەلم ، اويلەدر . يھودلرڭ نصارالرڭ غوغلرېنى ماغوغلرېنى قران كريم ياجوجيلە ماجوجيلە بر حساب ايتوب ، اسلام اثرلرېنڭ يانلرېنە قناعت ايدەيك ، ياجوج ماجوج توركدر ، تاتاردر ، ديهيك .

۸

اگر ياجوج تورك اولور ايسە ،

ديمك ، بوگون ذوالقرنين سدى يوقدر . ھونلرڭ بوئوك قوتلرېلە چوقدن تخریب

قىلىنمىشدر. ھونلرڭ قىل الاسلام دەھشتلى دواملى آقنىلرى يالڭز اوفاق فلسطين يرلرېنى دگل، بلكە بوتون ير يوزىنى دە قان طوفانلرېلە قوروتىمىش ايدى. چنگىز قىامتلىلە دە ياجوج ماجوج خېلرلى، بېڭ بر مىثلېلە تحقىق قىلىنمىشدر. مېنە السلام فاجعەسى دە ھلاكو حادئەسى دە لاهوتى يوحنا رويالرېنى بش اون مىثلېلە تعبير ايتىمىشدر، حزقيال كې نېيلرڭ خېلرېنى دە چنگىز ھلاكو قىامتلىرى زىادە سېلە تصدىق ايتىمىشدر. قىامت ياقىنلرندە يە بر دفعە ياجوج ماجوج فتنەلرېنە بوندن سوڭ ايندى امكان قالمىشدر. اسلام نورېلە ياجوج ماجوج قوتلىرى تمام قىلندقدن سوڭ، يعنى، ير يوزىنىڭ بوتون توركلرى تاتارلىرى اسلام قبول ايتدكدن سوڭ، ياجوج مسئلەلرى دە حل قىلىنمىش اولور، ياجوج فتنەلرى دە دفع قىلىنمىش اولور.

اگر ياجوج تورك اولور ايسە، يعنى، توركلرڭ آنا يورتلرېنە غوغ ماغوغ اسلرېنى، بېغىا، طاقىش يھودلرڭ نصارالرڭ وھلىرى رويالرى مكر تلقىناتلرى قران كرېم آيت كرېمەلرېنە حاكم قىلىنمق بوتون اشكاللردن دھا زىادە بويوك اشكال اولماز ايسە، شو تقدىردە بزە نسبتلە ياجوج ماجوج مسئلەلرى حل قىلىنمىش اولاپيلور. قران كرېم آيت كرېمەلرېنڭ بويەلە حللرېنە دە قناعت ايدرسەڭز، مكە طاغلرندە ھلاك قىلىنمىش اصحاب فيل كې، يا دھا زىادە دەھشتلى صورتلردە كونلرڭ بىرندە فلسطين طاغلرندە بوتون توركلرڭ خراب قىلنەجقلىرېنە دە ايمان ايتمك سزڭ منطقڭزڭ ضرور بر نتيجەسى اولوب قالور. [۱۲ ص ۷ رقم]

قران كرېم قدسىتى حضورندە بويەلە سوزلرڭ حتى حكايەلرېنى دە تصورلرېنى دە بن استبعاد ايدرم. اگردە قران كرېمڭ ياجوجى ماجوجى يھودلرڭ نصارالرڭ غوغلرندن ماغوغلرندن عبارت اولسە ايدى، قران كرېم يھودلرڭ اوفاق رويالرېنە يالان وھلىرېنە اوفاق بر انتحال اولور قالور ايدى.

ياجوج مسئلەسندە بڭا بويوك بر اضطراب وىرمىش دورت بش اشكالى، يوقارى دە [۴-۶] صحىفەلردە نظرىەم اساسلرېنى بيان ايدركن: تفصيل ايتىمىش ايدم. دھا زىادە بويوك اشكاللىرى شو ايكى اوچ صحىفە دە سزە عرض ايتدم. بوتون شو اشكالات دماغى قلبى تعذيب ايدردى. سەلرچە بويوك اضطرابلر اېچندە قالد. عاقبت، قران كرېم «يا»سى بنى خلاص ايتدى: سامېلرڭ اوفاق بويوك كىتابلرېنە بويوك بر ارشاد، عجيب مفيد تدارك اولمق اوزرە، عھد عتيق «جوج» لرېنە قران كرېم دە زىادە قىلىنمىش

«يا» اوفاق بويوك بوتون اشكاللردن بنى خلاص ايتدى. شارع حكيم نبى كريم امى محمد عليه الصلاة والسلام حضرتلى كى امى قران كريم ده بويله بركتلى «يا» او قدر آسان او قدر عجيب مفيد گوزل اعجاز شاهدى اولدى. امت اماملرينىڭ اجتهدلرينه اقتدا ادبيله، طلب يوللارنده ثبات برکەسىله، قران كريم ده زياته قىلنمش «يا» نوريله، حل ساحلرینه واصل اولدم. طلب يوللارنده لا اقل بنم قدر ياخود دها زياته اجتهد ايتدرمك عهديله، رغبتلى تورك طلبه لرینه شو كتابى تشكر اليله تقديم ايتدم.

۹

ياجوج مسئله سنده تفسیرلرک يانلرینه بر انتقاد

قران كريم ده ايکى دفعه: (۱) برى سورة الكهف ده. ۹۴ نجى آيت كريمه ده، اسلامدن بيگلرجه سنه لر مقدم بويوك ذوالقرنين مناسبتيله، (۲) ديگرى سورة الانبياء ۹۶ نجى آيت كريمه ده. اسلامدن بيگلرجه سنه لر صوڭ ظهور ايده جك بويوك حادثه لرک يانلرى مناسبتيله، ياجوج ماجوج اسملى ذکر قىلندى. روايت مفتونلرى بوتون مفسرلر ياجوج ماجوج حقنده عهد عتيق عهد جديد سوزلرینی، حتى تلمودك ده ماساللرینی تمام تقليد ايتديلر. يوقارى ده بيان ايتدك: عهد عتيق نبيلرینک نبوتلری، لاهوتى يوحنا لرک رويالری. يهود لرک واهمه لری، نصارالرک جهللى قران كريم آيت كريمه لرینه حاکم اولاماز. هيچ بر صورتله تفسیر اولاماز. سورة الكهف ياجوجى بر قاچ بيك سنه مقدم واقع اولمش حقيقى بر حادثه، عهد عتيق عهد جديد جوجى بر قاچ بيك سنه صوڭ اولاييله جك نبوت يا روياء. — سورة الانبياء ياجوجى كله جك ياقين اوزاق زمانلرک برنده واقع اولاجق مستقبل بر حادثه ايسه ده، حزقيال فصللرنده دهشتلى تفصيل قىلنمش نبوتله تمام مخالف مناقض بر حادثه در: اسلام نوريله يا قوتيله فتح قىلنه جق ياجوجك — فلسطين طاغلرنده يهود مجدینه قربان قىلنه جق جوج ماجوجله مناسبتى يوقدر. وار ايسه، قران كريم قصه لرى اولگى كتابلرک قصه لرینه تدارك اولمق مناسبتى اولور. يعنى، اولگى كتابلرک يانلرینی اصلاح ايدر، خطالى وار ايسه، تصحيح ايدر. عكسى، يعنى، قران كريم آيت كريمه لرینی عهد عتيق نبوتلريله تفسیر ايتمك، تحريفدر.

(۲) غوغ ماغوغ — جوج ماجوج اسملى بر جنس بر ملت بر دولت ير يوزنده هيچ بر عصرده بولونمادى. حتى اساطيرده ده ميفولوغيه لرده ده يوقدر. يالکز عهد عتيق

فيهم حسناً.» [۱۸۴] آيت كريمة سويله . فيليپ اوغلى اسكندره احسان قىلنمش ايسه . عجب . شريعتلرڭ نبوتلرڭ توحيدڭ اهميتى قالورمى؟ بوتون اديان سماويه بيهوده اولمازمى؟ اوراق بر يونانڭ اڭ بويوك اڭ سفيه شركى سماوى دينلرڭ هر برندن فائق قالمازمى؟ سوڭره . اسكندر اسكندريه بنا ايتدردى ايسه ده ، هيچ بر يردە سد بنا ايتدرمەدى .

آزچوق ملاحظه زحمتلرندن تمام عارى بويله بويوك بر غفلتى بن البته استبعاد ايدردم ، ايدرم . «روزه» ده يازدم . «عقيدەلرە نظر» ده يازدم . تفسير اهللرينه تنبيه ايدى . كلام اهللرينه الزام يولنده ايدى . او كونلردە او سوزلرم ضائع اولدى ايسه ده ، كلام مقلدلرينه بر سوز آڭلامام ايسه ده ، اوزم براز آڭلامدم ؛ ديدم : ميدان بوشدر . ميدان غايت واسعدر ، سويله ! نه سويله سهڭده ، سوزڭ باشقه لرڭ سوزلرندن ده زياده باطل اولماز . لکن احتياط ايت ، سويله . دوشون ، سويله . كوچ اولور ، كچ كلور . لکن كچ اولماز .

سورة الكهف ده مفيد لذيذ بويوك اوچ قصه : (۱) قومڭ شرڪندن صاقنمق يولنده توحيد كهفينه التجا ايتمش ياش يگيتلر . (۲) طلب يولنده بويوك مشقتلرى الترام ايتمش صاحب تورات موسى حضرتلرينڭ حكيم معلمى : (۲) بويوك قوتيله غربى شرقى فتح ايتوب ، فساد يوللريني ده گوزل تدبيريله قاپامش ذوالقرنين قصەلرى عجيب لذيذ جزيل بلاغتله بيان قىلندى . بوراده ياش يگيتلرڭ ، حكيم معلمڭ ، بويوك ذوالقرنينڭ زمانلريني مكانلريني ناملريني تعيينڭ ضرورتى يوقدر ، حاجتى يوقدر . ادبلىرى حاللريني تدبيرلريني آڭلامق استفاده ايتمك مطلوبدر . بوڭا كوره ، زمان مكان اسم هيچ برى بيان قىلنمايوب ، ادبلىرى حاللرى تدبيرلرى غايت مفيد جزيل بر تفصيلده اعجاز لسانيله ايجاز قىلنمشدر . ابهام قىلنمش حقيقتلرى مبهم براتق : بيان قىلنمش وظيفەلرى ايضا ايتمك — ادب شودر . عكسى ، يعنى ، بيان قىلنمش وظيفەلرى اهمال ايتمك ، ابهام قىلنمش حقيقتلردن بحث ايتمك ، تحريفدر . درست ، مطلوب بوتون وظيفەلر ايضا قىلنشقن صوڭ ، ابهام قىلنمش حقيقتلرى تعيين ايتمك همتى ده انسانده بولونور ايسه ، درست ، گوزل اجتهاد اولور .

ذوالقرنين : (۱) توركلرڭ ايكى قرنى اوگوزى ، (۲) يونانلرڭ اسكندرى ، (۳) مصر فراعنەلرڭ برى ، (۴) حمير تاباعەلرينڭ برى اولابيلور . اويله سوزلر ظرافت لسانيله ، موقت بر قناعت حاصل ايتمك يولنده ، سويله نه بيلور . لکن بويله بر تعيين قران

کریم اوچون بر فضل، بزم اوچون ده بر فائده اولاماز.

قران کریم ده مذکور حالری بویله اشخاصک برینه اویدورمق، اگر قران کریم قدسیتی حقنده آرزوق جنایت ادییه اولمازسه، هر حال ده غیر مطلوب بر اجتهاددر. قران کریم یالکز ماضیلرک حکایتی دگل، بلکه استقبالك ده هدایتیدر. هر برینی اویدورمق

هتی اڭ مهم اڭ مطلوب ارشاددن قران کریمی محروم ایتمک اولور.

برکتلی قلم صاحبی محترم عمر رضا بک جنابلرینک اجتهادیله واسع معرفتیه ترجمه هم شرح قیلنوب، آثار علمییه صاحبی ادیب اشرف بک همتیه نشر قیلنمش «عصر سعادت» اڭ ۴ نجی جلدنده [۱۷۱۴-۱۷۲۹] صحیفه لرنده محترم مترجمک ۱۶ صحیفه لک علاوه لرنده اصحاب الکهف، موسی خضر، زوالقرنین مسئله لرینه دائر غایت گوزل مفید معلومات اوقوم، استفاده ایتدم.

«یالکز نصارالره دگل: باشقه دینلرک ده امتلرینه معلوم» کهفده عصرلرجه

اویومش یاش یگیتلر «مثلیله اولگی خالص موحد نصرانیتک اوج عصرلق صاف تاریخی قران کریم آیت کریمه لرنده اعجاز لسانیه تمثیل قیلنمشدر.» دیمشدر.

غایت گوزل شو توجییه باشقه بر کتاب ده کورمه دم. محترم عمر رضا بک جنابلرینک ادبی کشفیدر. بویله قیمتلی بر کشف بگا نصیب اولسه ایدی، حکیم فیثاغور کبی تشکر یولیله، ادب طلبه لرینه شادلق قربانلرینی تقدیم ایدر ایدم.

(۶) بویوک بر مقصدی بیان خصوصلرنده گوزل مثلرک برینی استخدام ایتمک اولگی امتلرک اولگی کتابلرک حاللرینه کوره، جائز اولمش ایسه، قران کریم اعجازینه کوره ده جائز اولابیلور دیمک ممکن ایسه ده، بویله بر استخدام بویله بر استعاره شعر اولوب، اولمایه جنی حل قیلنما دقجه، نه قدر گوزل ایسه ده، اویله بر توجییه بن سویله یه مم.



اصحاب کهف مثل می؟ واقعی تاریخی بر غریبه می؟

اگرده گوزل بر مثل ایسه، اویله مثلری ده بویله معجز بر نظمله قران کریم بیان ایدرمی؟ ایتمش ایسه، قران کریم اصحاب الکهف قصه سی خصوصنده شعر اولور. درست، شعر بویوک بر زینتدر. لکن قران کریم شعرلکدن یوقاریدر.

(۷) پاولوس حواریوندن دگل ایسه ده، میلادی برنجی عصرک قدما سندن ایدی. اوغللق، صلب، فدا، تثلیث کبی اساس عقیده لر پاولوس معرفتیه اولگی عصرک اولگی

نصفنده نشر قیلنمش ایدی. نصرانیت تاریخنده هر عصرده موحد افراد بولونمش ایسه ده. «صفوت اصلیه سی اوچ عصر محافظه قیلنمش نصرانیت» تاریخ ده یوقدر. مائده ده ۱۱۶ نجی استنطاق آیت کریمه لری ده بوکا شاهد اولایلور. نصرانیتک صفوت اصلیه سی اوچ عصر دوام ایتمش اولسه ایدی. عقیده لری صاف اوچ عصر نصارالری حقنده عیسی ابن مریم حضرتلرینک «فلما توفیتی» جوابلری، واقعی حقیقتی کسم ایتمک جهتیه. بویوک بر ظلم اولور ایدی.

۸) ذوالقرنینی فیلیپ اوغلی اسکندرله تفسیر حقنده انتقادی ملاحظه می ۵ نجی رقم ده یازمش ایدم. بنم او ملاحظه ۱۷۲۵ صحیفه ده محترم عمر رضا بک جنابلرینک تفسیری حقنده ده سویله نه بیلور. ایران مه د حکمداریله بویوک اسکندرک درجه لری متفاوت اولسه ده اولماسه ده، قران کریمک او قدر بویوک ثنالیینه اهل اولوب اولماق درکه لنده هیچ بر تفاوتلری یوقدر. ایرانک تاجلری ده بویوک اسکندرک بویوک تاجی ده قران کریم ثنالیینی حامل اولاماز. تاجلرک ثنالیی قران کریم ده بولوناماز. یوقدر. «ان الملوك اذا دخلوا قرية افسدوها» حکایه لرندن ذوالقرنینی استثناییمه مش قران کریم ده، هم ده «ونريد ان نمس على الذين استضعفوا في الارض ونجعلهم ائمة ونجعلهم الوارثين ونمكن لهم في الارض» آیت کریمه لرنده ملکرک خطالرینی بیان ایتمش قران کریم ده تاجلرک ثنالیی بولونه ماز.

«ويسالونك عن ذی القرنين» [سورة الكهف ۸۳] قران کریم اهل کتابک سواللری حکایه ایوب: «قل سأتلو عليكم منه ذكراً» جمله جلیله سیله، بویوک ذوالقرنینک یالکز بعض فضیلتلرینی بیان یولنده، غایت جزیل اون آلی آیت کریمه لری قران کریم ده مصاحف اسلامیه ده تا ابد تلاوت قیلنه جق بویوک بر ذکر قیلیمق اهتمامیه، جوابلری ده شارع حکیم علیه الصلاة والسلام حضرتلرینه امر ایتمش ایسه، شو قدر عظیم جزیل جلیل بر اهتمام—یهودلرک «ایکی قرنی قوچقار» رویالرینی تعبیر ایتمک کبی جزئی محدود اوافق فائده لره عائد اولاماز. درست، دانیال کتابنده حکایه هم تعبیر قیلنمش «ایکی قرنی قوچقار» رویالرینی، امتحان ملاحظه سیله اهل کتاب سوال ایده بیلورلر. لکن قران کریمک حکیم اسلویله جوابلری سائلرک اولیه اوافق غرضلرینه موقوف اولاماز. بلکه، مثلاً، اسلام ملتلرینک مستقبل دولترینه مثل اعلی اولایله جک ایده آل بر حکمداری بیان کبی افاده لره متوجه اولور ایسه، اولایلور.

قران كريم ده قرن ماده سى متعدد آيت كريمه لرده وار ايسه ده . بوينوز معناسنده
قرن قران كريم ده يوقدر . « ايكي قرنلى قوچقار » تعبيرى ده انسالر حقنده عرب
ذوقندن چوق اوزاقدردر . امم كئيره عصور قديمه معنارى قران كريم ده مذكور اولمق
ارشاديله يول آلور ايسهك : دىنى قرنله مدنى قرنلى جمع ايتمش حكيم حاكم حكمدار
معناسنده ذوالقرنين اسمى غايت معقول غايت مناسب لقب اولابيلور .

سياستى : هم دىنى هم مدنىتى ، هم عدالتى هم مصلحتى جمع ايتمش حكيم ملك -
فيلسوف ملك معناسيله ذوالقرنين -- يالكز قران كريم ده بيان قىلنه ييله جك مثل اعلى در ،
بويوك ايده آلدر . سولون ليكورغ فيثاغور كى ، ايوقراط ، سوقراط پلاتون كى بويوك
فيلسوفلر كى تخيل ايتوب ده ، بولامادقلى « ايده آل ملوك فلاسفه » امى شارح حكيم
محمد عليه الصلاة والسلام حضرتلرينك موجز معجز لسانيله عرض قىلنمش اولابيلور .
(يالكز بر احتمالدر .)

ملك فيلسوفلر كى ملكدن محروميتلى « پلاتون جمهوريتى » نده اساس قىلنمش
ايسه ده ، بويوك فيلسوفلر كى بوييله ملاحظه لرينه تدارك اولمق اوزره . قران كريم « انا مكنا
له فى الارض و آتينا من كل شىء سبباً . فاتبع سبباً » آيت كريمه سيله ارشاد ايتمش
اولابيلور . يعنى ، بوتون وسيله لره سببلره مالك اولمق ملكلر كى حقيدر . بوتون وسيله لرى
غايه يولنده استخدام ايتمك ملكلر كى وظيفه سيدر . ملكدن محروميت كى تدبيرلى قوللامق
ايمان بولوندىقدن صوڭ حاجت اولماز ، ديمك اولابيلور . (احتمالدر .)

قران كريم كى بويوك قدسيى غايت واسع اعجازى حضورنده احتمال لسانلرينى
قوللاندم . مقصدم : يهود خبرلرينه لافلرينه ، يهودلر كى رويالرينه فلانلرينه قران كريمى
اويدورمق حاجت دگلدر . بلكه تمام جائز دگلدر ، ديمك ايدى . « مدنيت عصرلرنده
خلافت اسلاميه نظامى » اسملى كتاب ده اسلام مجتهدلرينك افاده لرينى ده ، ايجاز لسانيله
خلاصه لرينى ده طوللام : دولت اساسلى حقنده قران كريم كى بويوك ارشادلرينى مجتهدلر كى
لسانيله بيان ايتدم . ذوالقرنين حقنده ملاحظه مى اوراده يازدم .

(۹) برنجى دارا ذوالقرنين قىلندقدن صوڭ ، او عصر كى ياجوجلرى ماجوجلرى
اسكيت اولابيلور ، لكن استقبال عصرلرينه نسبتله سورة الانبياده ذكر قىلنمش ياجوج
ماجوج شو تقديرده كيم در ؟ بوييله بر حل تمام عقيم قالور . اشكال ده ازياده اولور .
كوز كوره بطلانى معلوم معنارى قران كريمه اسناد نه در ؟

← قران كريمك بعض كلمه لرى حقننده بىم ملاحظه لىم .

(۱) لغتلىر . آدم بالالىرى كى . بىرى دىگرىنه اوزاق ياقىن قارىندىلدىر . آنالىرى بىر .
 ھىشيره لىدىر . آرەلرندە معاملەلەر مبادلەلەر جارى اولور ، بىرى دىگرىندەن استعارە ايدىر ،
 استقراض ايدىر . طىبىعى بىر حالدىر . اجتماعى بىر ضرورتدىر : معلوم بىر مسئلهدىر . مثلاً : عرب
 لغتى . ھەر نە قدر اڭ زىنگىن بىر لغت ايسە دە . دىگر بىر لغتدىن استعارە ايدىر : (۱) يا
 عىنلە استعمال ايدىر : (۲) ياخود آزچوق تەغىير ايدىر . تعرىب ايدىر ، عربچە لىشدرور .
 ھەر بىرى جائىزدىر ، ھەر بىرى واقعەدىر .

(۲) بويىلە مسئله دە اختلاف بولونماق لازىم ايدى ايسە دە ، معجز قران كريمك
 استثنائى بويوك قدسىتىنە كورە قران كريم دە معرب كلمەلەر بولونوب بوناماق مسئلهلرندە
 اجتهاد اماملىرىنىڭ اساسلى آزچوق مەھم اختلافلىرى اصول فقھە كىتابلرندە تفصىل قىلىنمىشدر .
 لكىن علم اسملر دە اختلاف البتە يوقدۇر . شو بويوك قىطعى اجماع بىزم بورادە مقصد مزە
 كافىدىر . عجمى اسم علملر قران كريم دە بالاجماع واردىر .

(۳) مثلاً : بويوك اسكندركڭ مشهور بوقراط پلاتون فىثاغورس كى فىلسوفلر كڭ ،
 ھومىروس كى شاعرلر كڭ . ابراهيم موسى عيسى كى نبىلر كڭ اسملىرى ھەر لغت دە البتە
 بالاجماع مستعملدىر . قران كريم دە دە جالوت ھاروت ماروت بابل مىكالى كى اسملر
 البتە واردىر .

(۴) آلكساندر عرب نظرندە محترم مشهور بويوك بىر آدمدىر . اسمك سىز طوقوز
 حرفى واردىر . اصل حروف عرب دە بىشەن زىادە اولاماز . بويوك صاحبنە احترام
 يوللە ، عربى كلمەلەرە آزچوق ياقىنلاشدرمق اوچون ، عرب ادبلىرى . اسم دە بىراز تصرف
 ايتوب : الاسكندر ايتدى . تعريف حرفى «ال» اسملر دە ھەر وقت زىادە قىلنە بىلور . اسكندر
 اولدى . ھىزە ھەر وقت البتە زائددىر . ھىزە دن صوڭك ، سىن زائدا اولابىلور . سىكندر
 كى بىش حرفلى كلمە دە اورتادە نون زىادە قىلنە بىلور . شو طرىقلە ، اسكندر (اخرنجىم)
 كى ، ياخود ، سىكندر سىفرجل كى تمام عرب وزىلرندە اولور . صاحبنە بويوك احترام
 داعىە سىلە ، عرب ادبلىرىنىڭ گوزل حىلەلرى آلكساندر اسمى حقنندە موفقىتە تمام
 اولمىشدر . روملر كڭ تىادور ، توفىل كى اسملىرىنى غابت گوزل لطيف يول دە تعرىب ايتىش
 بىزم بويوك ادبىمىز ابو تمام حبيب بن اوس الطائى كى بويوك شاعر :

من عهد اسكندر او قبل ذلك . قد شابت نواصى اللىالى وهى لم تشب

دېمش ايسه، «ال» نځ حقيقتندن غافل دگل ایدی. بلکه الاسکندری «القرطعب» کې کلمه لره تمثیل ایتمش کې قیلوب، تعریفدن استغفارینه اشاره یولیله اسکندره بویوک احترام ایدی. بویوک شاعرکڅ چوق لطیف تصرفی بوتون اسلام اثرلرینه حاکم اولوب؛ اسکندر، سکندر اسملری عمومی اولدی. (ایانا الاسکندر استعمال قیلنور ايسه ده)

۵) حروفی بشدن فضله کلمه لرکڅ اولگی طرفلرینی حذف ایتمک جوازی حقنده اسکندر کلمه سی قطعی شاهد اولایلور. الاسکندر کلمه سنده «ال» تعریف حرفی دگل ايسه ده؛ تعریف حرفی کې حذف قیلندی. →

۶) قران کریم ده یوق ايسه ده؛ تصوف، صوفیه کلمه لری بوتون آثار اسلامیه ده وارد. شو گوزل کلمه لرکڅ اصللری حقنده هم بویوک هم اساسلی اختلاف ادب اهللرینه معلومدر. صوفیه لرکڅ اڅ مطلوب ادبلرینه اڅ موافق هم ده اشتقاق قانونلرینه کوره ده تمام ممکن اصل: صفادر. حروف تمام بر اولدقدن صوڅ، ترتیب ده اختلافکڅ هیچ بر ضرری یوقدر. قران کریم کلمه لرنده ده شاهدلری متعدددر. ظاهرین لغویلرکڅ نظرلرینه کوره؛ تصوف، صوفیه کلمه لرینکڅ اصللری قران کریم ده ده مذکور؛ صوفدر. لباسلری صوف اولق جهتیه صوفیه اسمی اطلاق قیلنور، ایش. کلمه ظاهری شو توجیهی هر نه قدر تأیید ایدر ايسه ده؛ تاریخ بویله توجیهی قبول ایده مز: صوفیه لرکڅ اولگی عصرلرنده صوف کیمک یوق ایدی، صوفیه لرکڅ اڅ بویوک لرنده صوف هیچ بز وقت بولونمادی. لباسیه تظاهر صوڅ طبقه لره بدعت اولدی. تاریخ طرفندن ده؛ اهلی طرفندن ده مردود بر اسمی کره اڅ طامق علم ادبلرینه موافق اولاماز. دها زیاده قریب اوچنچی توجیه: همتلرینی قوتلرینی جهاد یوللرینه دین خدمتلرینه وقف ایتمش صفة محابه لرینه نسبتدر. صفة هم صوفه کلمه لری بری دیگرینه خلف اولایلور. صرف قانونلری بونی قبول ایدر. مضاعف معتل ماده لر بری دیگرینه خلف اولایلور.

دورتنچی توجیه لغت جهتیه آزچوق بعید ايسه ده. استعاره جهتیه؛ استعمال شیوعیه غایت قریب بر توجیه؛ صوفیه، تصوف کلمه لری؛ تهئوصوفیه کلمه سنندن مشتقدر. اولگی جزئی نحت قانونیه اسقاط قیلنمشدر. غایت قریب بر توجیهدر. ترجمه عصرلرینه تصادف جهتی ده تأیید ایدر. حتی الوهیت کلمه سی ده تهئولوجیه کلمه سنندن مشتق اولق بر احتمالدر. شو توجیه تقدیرنده سین حرفیه صوفیه یازمق هر نه قدر دها زیاده صواب ايسه ده. یونان هجه لرینه دها زیاده صادق قالمق

ملاحظه سیله . یاخود . فلسفه هم فیلسوفلردن مستقل مستغنی قالمق دعواسیله . تصوف اماملری طریقتلرینی صوفیه دیمشله ایسه . البته ، حقلمی وارددر .
صوفیه کلمه سی ته ئوصوفیه کلمه لرندن مشتق اولمق محقق یاخود . لا اقل .
محمل ایسه . اشتقاق ده کلمه لرک اولگی طرفلرینی حذف ایتمک جوازی مسئله سنده صوفیه کلمه سی ده بزه شاهد اولور .

(۷) پوسته معناسیله برید قدیم معروف کلمه در . توجیهلری طوغری اولسه ده اولماسه ده ، پوسته آتلینک قویروقلری مقطوع اولمق مناسبتیله ، برید کلمه سی بریده دم کلمه لرندن مأخوذ . ایمش . توجیه محقق دگل ، لکن احتمالدر . اشتقاق ده صوگ جزئی حذف ایتمک جوازیته شاهد اولایلور .

(۸) قران کریم ده بش اون دفعه ابلیس : قرق ایلی دفعه شیطان کلمه لری ذکر قیلنمشدر . هر بری البته عجمیدر . دیابولوس کلمه سی یونانیدر . مفتری ، باهت ، اند دشمنی دیمکدر . تگوم ده ابلیس حیه اسمیله : ایوب ده ، زبور یوزیدی ده شیطان اسمیله ذکر قیلنمشدر . قران کریم ده هم شیطان هم ابلیس اسملری ذکر قیلنور . استکبار ، امتناع ، ابا صورتلرنده یالکز آدم خلقتیله برابر هر دفعه ابلیس اولور . اشعار جاهلییه ده بولونمامق . قران کریم ده ده یالکز آدم خلقتیله برابر ذکر قیلنمق خصوصی ده ابلیس کلمه سینک عجیلگنه دلالت ایده بیلور . باش طرفدن بر ایکی حرف اسقاط قیلنمق طریقیله ابلیس تعریب قیلنمش اولور . المزده بشنچی شاهد اولدی .

(۹) انجیل ، بلا شبهه ، یونانیدر . قران کریم اماملردن حسن بصری حضرتلری همزه فتحیله ، باشقه اماملرک همه سی همزه کسریله ، انجیل ده ایکی وجه بالاجماع محفوظدر ، مدوندر ، متواتردر . رساله الغفران ده ادب املی ابوالعلا حضرتلری انجیل ده همزه فتحی متروکدر دیسه ده . همزه فتحی ثابتدر ، باقیدر ، وجوه قران کریم ده محفوظدر . لغت اماملری انجیل سوزینی نجل ماده سننددر ، فلاندر دیسه لده ، انجیل سوزی ، شبهه یوق ، یونانیدر . ایکی کلمه دن مرکبدر : (۱) یه و = گوزل ، (۲) نه نگل = خبر دیمکدر گوزل خبر = بشارتدر ، یاخود ، بشری در . جلال الدین رومی حضرتلری مشنوی ده بر قاچ یرده انکلیون سوزینی ده استعمال ایتمشدر . نه و = انگلیون دیمک : گوزل بشارت ، حقیقی بشارت ، فعلاً بشارت دیمک اولور . قران کریم ده تبشیر ، مبشر سوزلری انجیل تفسیری کبی اولایلور .

مسئله شو جهتله تمام واضحدر. باش طرفدن اولگی جزء نخت اصوليله اسقاط
 قیلنوب. نهنگل سوزی تعریب قیلندی ده، انجیل اولدی. المزده آلتنجی شاهد.
 باشقه بر جهتله، غایت مهم شو مسئله ده اوزون مدت اضطراب دوام
 ایتمش ایدی: عیسی ابن مریم علیه الصلاة والسلام حضرتلری البته یهود پیغمبری،
 اسرائیل بالاسی ایدی. یونان لاتین لسانلرینی ده بیلور ایدی ایسه ده، اوزینک لسانی
 عبرانی ایدی: آرامی ایدی، یاخود سوریانی ایدی. توراتی تصدیق ایتمش، توراتله
 عمل ایتمش عیسی حضرتلرینه اینمش کتاب: عبرانی، آرامی، یاخود سوریانی اولاجق.
 وما ارسلنا من رسول الا بلسان قومه آیت کریمه سندن عیسی کبی بویوک مشهور
 رسول مستثنی اولاماز.

کتابک لسانی آرامی عبرانی اولدقذن صوگ. عجب. کتابک اسمی ده نیچون
 آرامی عبرانی اولمادی؟

کتابک آرامی عبرانی اسمی بر وقت بولونمش ایسه، قران کریم ده نیچون
 او اسم ذکر قیلنمادی؟

فکر ایتم، تفکردن قات قات زیاده مطالعه ایتم. عهد عتیقک عهد جدیدک
 عربی روسی تفسیرلرینی ده اوقوب چیقدم. لکن قلم قرارینی همان بولامازدی.

«ويعلمه الكتاب والحكمة والتوراة والانجيل ورسولاً الى بني اسرائيل.» [۳-۳۸]
 کتاب، حکمت، توراتدن صوگ. تعلیم قیلنمش انجیل نه در؟ قران کریمک
 تکراری بیهوده اولورمی؟ انجیل کتابدن باشقه بر شیء اولماسه ایدی، مطلق بر صورت ده
 علی حده ذکر قیلنماز ایدی. عیسی رسوللگی بنی اسرائیل قومنه مخصوص ایسه ده.
 خاص قیلنماش انجیل نه در؟

فتوحات مکیه ده یوق ایسه ده. غایت مهم شو مسئله جوابی، فتوحات مدینه
 برکەسی اولمق اوزره، الله جل جلاله حضرتلرینک احسانيله. بگا الهام قیلندی:
 ۱۹۲۷ سنه ده او دقیقه ده بن مدینه ده روضه سعادت ده ایتم:

«واذ قال عيسى ابن مريم يا بني اسرائيل اني رسول الله اليكم: (۱) مصداقاً لما بين
 يدي من التوراة: (۲) ومبشراً برسول يأتي من بعدي: اسمه احمد.» [۶۱-۶]

تغابن سوره سندن صوگ اینوب ده، امتحان سوره سندن صوگ مصاحف ده
 ترتیب قیلنمش ۶۱ نجی سوره ده. ۶ نجی آیت کریمه ده: عیسی حضرتلرینک بویوک

اهمیتی بوتون اشمیتی : ۱) تورانی تصدیق ده . ۲) رسول احمدی تبشیرده ایجاز قیلنمشدر .
 بوگا کوره . انجیل : نبی اسلام احمدک یاقین ده ظاهر اولاجغی حقنده تبشیر
 دیمک اولور . عیسی ابن مریم النده بر کتاب وار ایدی : تورات ایدی . برده بشارت
 وار ایدی . او بویوک بشارتک بویوک کتابی اولمق اوزره ، نبی اسلام احمد محمد علیہ
 الصلاة والسلام حضرتلرینک النده قران کریم ایندی ، خلافت انسانیہ انجیلی ایدی ،
 عدالت اجتماعیہ انجیلی ایدی ، طهارت ازلیہ اصلیه انجیلی ایدی . خطیہ ازلیہ دن
 تطہیر خیالیہ مصرک ہندک نہرلرہ اغتساللرندن ، نصارالرک تعمیرلرندن - بویلہ خرافی
 بیہودہ عقیدہلر دن انسانیتی خلاص ایتمک بشارتی ایدی . فدا احتیاجلرندن تمام غنی
 اللہ ک «ولقد کرنا بنی آدم» انجیلی ایدی .

عیسی النده کتاب وار ایدی ، اسمی الکتاب ایدی . عیسی کلمہ اللہ ایدی ، انجیل
 عیسی لسانده کلمہ اللہ ایدی . تبشیر الاهی ایدی - انجیل مکتوب کتاب دگل ایدی . بر
 فرض بر کتاب اولمش ایسہ . انک اساس مقصد بشارت احمدیہ اولمق جہتیلہ ، بوتون
 کتابکده اسمی بشارت احمدیہ اولدی : انجیل اولدی . بویوک بر وضوح ویرمک اوچون ،
 تمام ممتاز بر اسم اختیار قیلندی ده : اصل کتاب آرامی ایسہ ده . اسمی یونانی قیلندی .
 شویلہ اولابیلور ، بر توجیہدر . باشقہ دہا گوزل بر توجیہ بولونماقجہ . شو توجیہ
 محقق پایدار قالور .

مصاحفہ سورہلرک ترتیبی توقیف اولسہ ده ، اجتہاد اولسہ ده ، عجیبدر : تصادف
 اولسہ ده ، دہا زیادہ عجیب اولور : تغان سوره سندن صوگ اینوبہ ده ، مصاحفہ
 تقدیم قیلنمش ، ہم نہ امتحان سورہ سینک اون اوج آیت کریمہ سندن صوگ . مصاحفہ
 وضع قیلنمش ۶۱ نجی مدنی سورة الصفہ ده : ۶ نجی آیت کریمہ ده عیسی ابن مریم
 حضرتلرینک بویلہ بویوک بر بشارتی - یعنی . تورات حسابیلہ . یهودلرک نصارالرک
 عقیدہلرینہ کورہ ، خلقتدن آلتمش عصر صوگ ، یدنجی بیگک ۶ نجی عصرندہ دنیایہ
 کلوب ، بعثت صوگندہ ۱۴ سنہ بویوک امتحانلر دن صوگ مدینہ شہرینہ ہجرت
 ایده نک نبی اسلام احمد حقندہ عیسی ابن مریم حضرتلرینک بویلہ بشارتی - یدنجی
 سکرنجی عصرلرہ دولت اسلامیہ غلبہ لرینی خبر ویرمش جملہلرک یدنجی سکرنجی آیت
 کریمہلرہ وجودی - بویلہ بر ترتیب تصادف اولسہ دہا زیادہ عجیب اولور .

عجیب ترتیبک بوگا باشقہ ینہ بر قاچ شاہدلی وازدر : سورة الجمعہ دن صوگ

آتمش اوچنچي سوره ده اون برنجي آيت كريمه ده «ولن يؤخر الله نفساً اذا جاء اجلها.»
جمله سی = امتك قوه جمعیه سی تمام كامل اولدقن صوڭ «ولله العزة ولرسوله وللمومنين»
بشارت الاهیه سی ده تمام تحقیق قیلندقدن صوڭ، آتمش اوچ یا شنده. اون برنجي سنه
هجریه ده شارع حکیم حضرتلرینک رفیق اعلایه بلا تأخیر سقرلرینی بیان اولایلور.
غایت واضح بیاندر، تکلف اثری یوقدر.

سورة القدر مصاحف ده سورة العلقون صوڭ وضع قیلنوب، اولگی بش آیتک
رمضان ده لیلة القدرده ۴۰ نجی سنه ده نزوللری اشاره قوتیله افاده قیلنمش اولدی.
قران کریمک تمامی اولگی بش آیت کریمه ده تمام مندرجدر. علقون خلق قیلنمش
انسان اڭ بویوک حجت الاهیه در، اڭ اولگی معلم قلم وسیله سیله تعلیم ایتمش سنک
ربک الله اکرم اولوب، انسانک بوتون علومی الهک فیوضاتیدر، دیمک اولور.
بوتون شو معانی غایت آسان بر طریقله یالکز ترتیب برکه سیله استفاددر.
بش سوره، تکاثر عصر همزه فیل قریش سوره لری، مطلوب بر مقصدی افاده
ایتدرمک اوزره، نزول ترتیلرینه مخالف بر صورت ده مصاحف ده ترتیب قیلنمش
اولایلور: قران کریم عصر سوره سنده بوتون عصور تاریخیه شهادتیله قسم ایدر:
بوتون انسانیت بویوک خسرانده در. مادی مدنیت انسانلره سعادت ویرمه دی، بلکه
یالکز لهویاته سوق ایتدی. «الهام التکاثر.» مدنیتک قوه مالیه لری ده انسانلرک
مصلحتلرنده استعمال قیلنمادی. (سورة الهمزه). دیگرلرک حقوقلرینه حریتلرینه اعتدا
ایده جک مدنیتک قوه عسکریه سی ده، عاقبت اصحاب الفیل کبی، خراب اولور.
(سورة الفیل.) یر یوزنده صلاح یالکز شو اوچ شرطله: (۱) عوم انسانلرک الفتیله،
(۲) احتیاج ارتفاعیله، (۳) عمومی امن برکه سیله حاصل اولایلور. (سورة قریش)
شو سوره لرک هر بری مستقل معنایرینی علی حده افاده ایتمکله برابر، مصاحف ده
ترتیلری ده مطلوب مقصدلری افاده ایتمش اولور.

با توی لب هر زمن من نوبنو رازهای کهنه میگویم. شنو!

(۱۰) تورات کلمه سی ده غالباً تورکیدر.

امم سابقه کتابلری آره سنده، انسانلرک دینلرینه فکرلرینه تأثیر جهتیله، تورات
اڭ مقدم، اڭ مهم، اڭ بویوک، جهان کتایدر. قران کریم ده «انا انزلنا التوراة
فیها هدی ونور» کبی، «ولقد آتینا موسی الکتاب من بعد ما اهلکنا القرون الاولی

بصائر للناس وهدى ورحمة. لعلمهم يتذكرون." كې آيت كريمه لده تورات حقنده بليغ ثنار نازلدر. توراتك اصل لساني بلكه عبرانيدر. صوگرده آرامي سورياني لسانلرينه ده بلكه تحويل قيلنمشدر. اسلامدن بر قاچ عصر مقدم عربجه يه ده ترجمه قيلنمش ايدي. نصارالرك اجتهدلريله بوتون ير يوزينك لسانلرينه ده ترجمه قيلندي.

تورات سوزينك اصلي يهود عالملرينه ده نصاري عالملرينه همان معلوم اولاماشدر. قراءت بالاتفاق توراتدر. مصاحف عثمانيه ده رسى: توره در. قديم توركرمى يهودلردن، يا خود يهودلرى توركلردن شو توره سوزيني استعاره ايتمش؟ شو ايكي احتمالك هر برى البته ممكندر.

تورات سوزينك ماده سى ده بنيه سى ده هر حال ده البته عجميدر. علوم ادبيه اماملرى: تورات (ورى) ماده سندن: ۱) تفعله در: ۲) فوعله در: يا خود، (تور) ماده سندن: ۳) فعلا در ديسه لده، بويله سوزلر، البته، قورى بر تخميندر.

فيلوسوف ابوالعلا حضرتلرى اللزوميات ده متعدد صحيفه لده بويوك حقيقتلرى بيان يولنده تورات اشتقاقى حقنده ده لطيفه ل سويله مشدر:

يا آل يعقوب، ما توراتكم نبأ	من ورى زند ولكن ورى اكباد
ان كان لم يبد للاغبار سرکم	فانه لى في اكنافه بادی
لقد اكلتم بامر كله كذب	على تقادم ازمان و آباد
و رابى ان احباراً لكم رسخوا	في العلم ليسوا على حال بعباد

بويوك فيلوسوفك شو سوزلرى اشتقاقى حقنده: ادب اماملرينك سوزلرى كې:

قورى ظريف بر تخمين ايسه ده، عهد عتيق مندرجه لرى حقنده البته طوغريددر.

عليك العقل فافل ما رآه	جبيلاً. فهو مشتار الشوار؛
ولا تقبل من التوراة حكماً	فان الحق عنها فى التوارى
ارى اسفارها ليهود اضحت	بوارى قد حسبن من البوار

بوريا - بواردن، تورات - تواريدن، مشتقدر سوزى غايت گوزل بر لطيفه

ايسه ده، تورات صحيفه لرى يهودلره بوريا اولدى. حق هم حقيقت توراتدن تمام متوارى ايدي سوزى هر وقت حقيقت ايدي، شو كون دها زياده آچيق حقيقت اولدى.

توره Torah سوزينك اصلي عهد عتيق عالملرينه ده معلوم دگل ايسه، تورات

كلمه سى حقنده ادب اماملرينك اشتقاقلرى ده قورى بر تخمين اولور ايسه، توره سوزى هر حال ده توركيدر. قانون، قرار، حاكم كې متعدد معنالى وارددر. عربى اولسه ايدي، عبرانى اولسه ايدي، سائر مشتقلرى ده ثابت اولور ايدي.

كورە . ۱) ماجوج . ۲) ماجوج ايكي بنية اولوب : ۱) ماجوج . ۲) ماجوج . ۳) ماجوج .
 اوج بنيه اولور . شاطبيه ده امام شاطبي حضرتلرينڭ واقفانه بيانلرине كوره . ماجوج .
 ماجوج مهموز اولور ايسه . شو ايكي اسم (ا ج ج) ماده سنندن يفعول مفعول
 وزنلنده اولوب ، يانمق ياقمق آلاولانمق كي معناره دلالت جهتيله ، كلمه لده عربيلك
 شائبه سي بولونور . امام شاطبي سورة الكهف ده فرش حروفى بيان ايدر كن : « وياجوج
 ماجوج اهمز الكل ناصرأ » - يعنى : عربيلكلرينه نصرت ويرمك يولنده دورت كلمه يي
 مهموز ايت ، ديمش . مد تقديرنده عجمى اولور ، ديمكدر . (نه قدر گوزل موجز بيان .)
 ماجوج : ده موس ، آغوس كلمه لرتدن مركب (ده ماغوغ) كلمه سينڭ معرييدر .
 اوزينڭ غرضى ، نفسانى مصلحتى ، شخسى هواسى يولنده خلقلى سوق ايتوجى
 نهفه ديمكدر . اوللرده مدح لقبى ايدى . عاقبت : طبيعتلرينڭ فسادينه كوره ، كلمه
 مفسدلك معنارينه ده دلالت ايدر اولدى .

ياجوج = ته ئوس آغوس كلمه لرتدن مركب (ته آغوغ) معرييدر : الاهلرى ده
 اوزينڭ غرضلى يولنده سوق ايتمك هوالرينه مبتلا مستكبر جبار مدعى مفسد ديمكدر .
 تعريب ده اولگى جزءلى نحت اصوليله ترك قينوب ، (ده ماغوغ) (ته آغوغ)
 كلمه لرى ماغوغ آغوغ شكللرينه قمر قينلقدن سوڭ ، معربلى آجوج ياجوج
 ماجوج اولوب قالى .

شو تقدير ده : ۱) جوج ده رئيسلك معناسى غايت واضح اولور . ۲) جوج ماجوج
 كلمه لرينى عهد عتيق عهد جديد صحيفه لرتده متعدد معناره استعمالك ده وجهى آچيق
 معلوم اولور . ۳) قران كريم عهد عتيق كلمه لرينى امى بر آدمك لسانيله اصللرينه
 اعاده ايتمش اولور . ۴) عهد عتيق عهد جديد انبيالرينڭ بوتون يهودلرڭ بوتون
 نصارالرڭ عصرلرجه غفلتلىرىنى ضاللارلىنى قران كريم آيت كريمه لرينڭ عجب گوزل
 « يا » سى اقامت ايتمش ، غايت نزاھتلى جزيل بر لسانله اصلاح ايتمش اولور .
 شو تقدير ده :

۱۱

ياجوج ماجوج كيم در؟

ياجوج ماجوج ير يوزنده هر يرده هر ملت ده هر وقت بولونور . بوڭا كوره ،
 ياجوجك ماجوجك جنسيتلى زمانلى مكانلى قران كريم ده تعيين قينمادى .

تورات اصلی: توره در. اسفار خمسه اسمی تورکدن استعاره قیلنمشدر. مصاحف عثمانیه ده توره رسمی ده بزه دلیل اولابیلور. زید بن ثابت کبی مثبت کاتب. البته رسمک واضی دگل، بلکه ناقلیدر. حرفلرک زیاده لرینه انقلابلرینه آچیق دلیل بولونماقدن صوگ: تورات تفعله در، فوعله در سوزلری هوائی بر سوز اولور قالور. بزم اوغوزخان مز اوگوزمز ذوالقرنین اولسه ده اولماسه ده، اوگوز توره سی هر حال ده یهود توراسندن ده زیاده قدیمدر. اوگوزک توره سی: چنگیزک یاسه سی، تیمورک توزوگی همه سی تورک مالیدر. توره سوزی تورکدندر: یاخود: تورک سوزی توره دندر. یهودک توراسنی تورک توره سندن استعاره قیلنمشدر.

تورات سوزیله طور سوزینک ده یاقین مناسبتلری ظاهر در. عبرانیون بویله بر توجیهی البته قبول ایتمز. طور یهودده یوقدر. حوریب واردر. قران کریمک نظمنه، مصاحفک رسملرینه رعایه ای توچی اسلام عالملری ده بویله بر توجیهی قبول ایده مز. تورات سوزینک اصلی توزه اولمقدن باشقه بر احتمال یوقدر.

غریب لطیف بر سوز: «الکلیل الکرامه فی مسائل الامامه» اسمی کتابنده بهو پال حاکمی نواب صدیق حسن حضرتلری دیمش: سیاست چنگیزک سه یاسه سندن (اوچ یاسه) دن مأخوذدر. سیاست سوزینک مصدرینی، سیاست اصوللرینک مأخذینی بیان خصوصلرنده غریب لطیف بر بیاندر. او یغور تورکلرینک معرفتیه تدوین قیلنوب، قآن چنگیز نامینه اسناد قیلنمش اوچ یاسه = سه یاسه = سیاست تورک کلمه سی تورک ملکی اولور ایسه. «تورک تاریخی هیئت جلیله سی» اعضالرینه، خصوصاً سیده آفت خانم کبی تورک فخرینک گوزل قونفرانس لرینه علاوه قیلنه ییله جک لطیف بر شاهد. بش اون عربی کلمه لرک اشتقاق لرینی، شاهد قیلیمق اوزره، یوقاری ده بیان ایتمش اولدم. تکلف اثری. ساخته کارلق حیللری بیانم ده، غالباً، یوقدر. نوبت یاجوج ماجوج کلمه لرینه ایرشدی.

(۱۱) سورة الکهف [۹۴]، سورة الانبیا [۹۶] آیت کریمه لرده مذکور یاجوج ماجوج کلمه لری ده، البته، یونانیدر.

امام عاصم رضی الله تعالی عنه حضرتلرینک قراءتلرنده یاجوج ماجوج کلمه لری مهموز ایسه ده، بوتون اماملرک بوتون امتک قراءتلرنده یاجوج ماجوج کلمه لری مدوددر. لغت امامی رؤبه بن العجاج حضرتلرینک لغتنده ایسه، آجوج در. بوک

نوح عصرلرنده وار ايدى. لکن اوزلرنده قوت يوقق. ياخود باشقهلرده قوت چوقلق جيتيله. استيلا يوللرى قاپانمش ايدى. ذوالقرنين عصرلرنده وار ايدى. هر طرف ده بولونور ايدى. آزچوق ضعيف قالمش خلق اوزريه او زمانك مفسد ياجوجلرى ماجوجلرى مفسدلر، مستكبرلرى هجوم ايدرلردى. استيلا ايدرلردى:

حتى اذا بلغ بين السدين وجد من دونهما قوماً لا يكادون يفقهون قولا. [۹۳]
قالوا يا ذا القرنين ان ياجوج ماجوج مفسدون فى الارض. فيل تجعل لك خرجاً
على ان تجعل بيننا وبينهم سداً. [۹۴]

معين ايكي طاغ جوارنده ساكن معلوم بر مملكتك خلقلرينى او وقتك مفسدلرندن صاقلامق اوچون. او خلقك طلب ايتدكلرى تدبيرى موافق كوروب. ايكي طاغك آرهلرينى طاغ قدر بويوك برسد ايله ذوالقرنين قاپادى.

بوراده اعتبار كوزيله اهتمام فكريله ملاحظه قيلنهجق مسئلهلر: (۱) ايكي طاغ

نهرده؟ (۲) طاغ قدر سد نه وقت بنا قيلندى؟ (۳) نه قدر مدت ده طاغر قدر سد بناسى

تمام اولدى؟ كې مسئلهلر دگلدلر. بويوك قران كريمك بويوك قصهلرينه كوره. زمانك

مكانك اهميتى يوقدر. ياخود. آذر. حتى بانيلرئده اهميتى آذر. انسانلرئ بويوك

فاجعهلرينى كوروب حوروركن. تدبير آرامقندن متغافل مؤرخلر: دماغلرى علومله طولو

ايسه ده. قلبلرى آز چدوق تآثرندن بوش آدملر اويله مسئلهلرئ حللريله مشغول اولابيلور.

قران كريمك مقصدينه كوره. اعتبار قيلنهجق مسئلهلر: (۱) مملكتلرئ بىرى

بلارئ برينه دوچار اولور ايسه امانه تدبيرلرينه عجله ايتمك او زمان موجود

قوللرئ هر برينه وظيفه اولور. (۲) وظيفه مقابلنده بدل آلمق. ولوعرض قيلنور

ايسه ده. همت اولماز. (۳) انسانلرئ ملكلرينى قوللرينى يالكر اوزلرينك ضرورتلرينه

مصلحتلرينه صرف ايتمك مشروع اولور. (۴) بويوك قوت. اسباب حكمدار النده

طوپلانور ايسه: خلقك ضرورتلرينه مصلحتلرينه صرف قيلنور. (۵) دولتن حكومتدن

مقصد خلقك مصلحتلرينى تاميندر. حاكم خادمدر. اوزلرينك غرضلرى يولنده خلقلى

استخدام ايدر ايسه: اويله حكومت جائر اولور. عاقبت، نولتك فسادينه سبب

اولور. (حل قيلنهجق مسئلهلر: شودورت بش مسئله كې مسئلهلردن.)

صوك عصرلرده ده ياجوج ماجوج بولونور ايدى. بويوك اسكندر اوزينك زمانينه

كوره. البته. ياجوج اولوب: قوتلى عسكرى البته ماجوج ايدى. يهودلره نسبتله بابل

حكومتى ياجوج اونوب: تورك هم اسلام منكتلرینه نسبتە چنگیز ھنم ھلاكو
ياجوجلرڭ ماجوجلرڭ اڭ دەشتلیری ایدی.

شو كون قوه ناریه سیله قوه مالیه سیله بوتون یر یوزینه استیلا ایتمش مدنی نصرانیت
دنیا سی بوتون انسانلره نسبتله: خصوصاً اسلام ملتیرینه نسبتله اڭ دەشتلی معناسیله
ياجوجدر ماجوجدر.

اسکی شرك دینلرینڭ بوتون ته ئوغونیه لرینی. ۱. باغانیستیه بت پرستلرڭ بوتون
بتلرینی اوزلرینه تمام مال ایتدکن صوڭ. اوزلرینڭ قوه ناریه قوه ماده لرله، اوزلرینڭ
قوه مالیه آیه لرله هم الوهیت حضورنده قوتلی استکبار، هم بوتون انسانیت اوستنده
شدتلی استبداد ایتوجی (ته آغوغ) (ده ماغوغ) ته آنتروپ نصرانیت دنیا سی یر یوزینه
کله بیله جک ياجوجلرڭ ماجوجلرڭ اڭ متکامل اڭ مترقی اڭ مفسد نمونه لریدر.

سورة الکیفة ده نبی ذوالقرنین لسانیه «قال هذا رحمة من ربی. فاذا جاء وعد ربی
جعله دكا. وكان وعد ربی حقاً» [۹۸] آیت کریمه سی ده، «وترکنا بعضهم یومئذ یموج فی
بعض. ونفخ فی الصور لجمعناهم جمعاً» [۹۹] آیت کریمه سی ده، سورة الانبیاده «حتی
اذا فتحت ياجوج وماجوج وهم من کل حدب ینسلون» [۹۶] آیت کریمه سی ده شو کونگی
قاپیتالیست مدنی نصرانیت دنیا سی حقنده البته دها زیاده تمام طوغیری اولابیلور.

قران کریم کبی بویوک بر کتاب ده «قلنا: یاذا القرنین اما ان تعذب واما ان تتخذ
فیهم حسباً» کبی تخیر مطلق خطایله مخاطب اولمش ذوالقرنین: ایکی طاغ قدر بویوک بر
سد بنا ایتدکن صوڭره ده، مغرور اولمایوب «هذا رحمة من ربی!» دیمش ایسه:
بویله سوز تاجلی ملک سوزی اولاماز: بلکه سلیماندن دها بویوک نبی سوزی اولور.
«فاذا جاء وعد ربی جعله دكا. وكان وعد ربی حقاً» کبی استقبال پرده لری آرقاسنده تمام
غائب غایت بویوک خبرلری اوافق توفیک یهود نبیلری سویله یه مز. تخیر مطلق عزتیرینه
نائل اولمش بویوک ملک. بویوک نبوت شرفلیرینه واصل اولمش عادل ذوالقرنین کبی
سیمالر - بویوک اسکندرلر: برنجی دارالر، (چی وانگتی) لر آره سنده آرانوز ایسه ده:
بولونماز. ذوالقرنین لسانندن حکایه قیلنمش «فاذا جاء وعد ربی جعله دكا» آیت
کریمه سنده سدڭ هدمی ياجوجلره اسناد قیلنمایوب: الله جل جلاله حضرتلیرینه یاخود
وعدینه اسناد قیلنمشدر. قران کریمڭ بویله بر اسنادی - ياجوج ماجوج حقنده
شائع اولمش وهملری تمام هدم ایدر.

اخوان الصفا ۴ نجى جلدده، علوم ناموسيه شرعيه رساله لرندن ۶ نجى رساله ده
ظاهرى معنارلندن صرف قيلنوب باطنى معنارينه حمل قيلنه جق مسئله لر آره سنده، سد
ياجوج حقنده ديمش:

وسد ياجوج و ماجوج . ومن يلحسه من زمر بعد زمر

اخوان الصفا كى علوم مجموعهلينه ده سرايت ايتمش او هام اويدورمه لر ينى بر دفعه قبول
ايتدكن صوڭ، تاويل ايتمك بلكه بر هنر اولابيلور: لكن اويله اويدورمه لرى قران كريم
آيت كريمهلينه اسناد ايتمك اخوان الصفا مجموعهلينه البته مناسب اولاماز. (بويوك
غفلتن ناشى اولمش ادبى بر جنائتدر.)

ذوالقرنين عصرينڭ ياجوجى ماجوجى اوزمانڭ عادى استحكاملرينى ده آشوق كى
اوافق بر زحمتدن عاجز ايدىلر ايسه ده: مدنيت عصرينڭ قوه ناريه سى قوه ماديه سى
حضورنده اويله ردملرڭ البته قرارى اولاماز.

او وقت، الله جل جلاله حضرتلرينڭ حق وعدى حلول ايدرده، قوه ماديه ناريه لرينه
مغرور اولوب ده، غفلت ده قالمش ياجوج ماجوج - بويوك غفلتلرندن اويانوب: «يا ويلنا
قد كنا فى غفلةٍ من هذا. بل كنا ظالمين» اعترافيله، استكبار غرورلرندن استبداد
ظلملرندن توبه ايتوب، يا خود عاجز قالوب، حق و حقيقت محرابلرنده سجده ايدىلر،
عدالت اجتماعيه قانونلرينه انقياد ايدىلر. مدنيت دنيا سينڭ بويوك دورى باشلانور:
مدنيتڭ سياست نفسانيهلرینه بدل اسلاميتڭ سياست عدليه امميه سى قائم اولور!
بزم شو بيانمزه كوره، لاهوتى يوحنا لرڭ مدهش رويالرندن، اشعيا حزقيال كى
نييلرڭ دهشتلى نبوتلرندن بوتون مدنى ملتر استقبال ده آزاد قالور. بويوك مدنيتڭ نهائى
درجه لرى صوڭ غايه لرى يهودلرڭ مجدينه قربان قيلنماز. (مدنى دولتره بويوك بر بشارت!)
انبيا سوره سينڭ ابتداسى: «اقترب للناس حسابهم. وهم فى غفلةٍ معرضون.
ما يأتهم من ذكر من ربهم محدث الا استمعوه وهم يلعبون. لاهيه قلوبهم.» آيت
كريمه لرى ايدى. سوره خاتمه سنده ياجوج ماجوج فتحى بيان قيلندقدن صوڭ. «ولقد
كتبنا فى الزبور من بعد الذكر ان الارض يرثها عبادى الصالحون.» آيت كريمه سى ذكر
قيلنوب، بويله بر آيت كريمه دن صوڭ. نبى محمد عليه الصلاة والسلام حضرتلرينڭ عموم
عالمره رحمت اولمق اوزره، رسالت عموميه سى «قل انما يوحى الى انما الاهمك اله واحد.
فيل انتم مسلمون» آيت كريمه سنده ايكي بويوك حصره اجمال قيلنمشدر.

قران كريمىڭ غىيب شويىانى ياجوج ماجوج مىسئەلسىندە بىم نۇزىدىمى آچىق تايىد
 ايدر . ياجوج ماجوج حقنىدە يهودلارنىڭ نصارىلارنىڭ مىسئەللىرىگە مشهور عقىدە ۋەھىيەلەرى درست
 اولسە ايدى . ياجوج حادثەلەردىن سوڭ رسالت عمومىيە اھىتى قالماز ايدى . قران كريمىڭ
 جزيلى عظيم او يىانى - وقتى كچمىش . اھىتى بتمىش بر حكاية اولور ايدى .
 طلبەلەر . اجتھادكۆرە بر مىسئەلە عرض ايدەيمى : شارع حكيم نبى محمد عليه الصلاة
 والسلام حضرتلارنىڭ رسالت عمومىيەسىندە بويوك ايكي حىسرىڭ حكمتى نەدر ؟

۱۲

← نظريەمى يازدم . مقصدم نە ايدى ؟

قران كريم كې بويوك كىتاب دە مذكور اولماسە ايدى ، ياجوج ماجوج كىلمەلەرى حقنىدە
 بر سوز سويلەمك آرزوسى بن دە بلكە بولونماز ايدى . ياجوج حقنىدە فكرىمى يازدم . قلىم
 بويوك اضطرابلر اچىندە ايدى . اوافق آسان مىسئەلەردىن امت اماملارنىڭ غفلتلىرىنى استبعاد ايدر
 ايدم . دەها زىيادە صواب بيانلەر مجتھىدلارنىڭ برى بوندىن سوڭ بلكە مھتىدى اولور . قران . كريم
 افادەلەرىنى يهود ماساللىرىنە اويدورمىق جنائتلەردىن اسلام طلبەلەرى قوتولور ايسە ، بن قناعت
 ايدرم . بوتون مقصدم دە يالگۇر شۇدر . اسكى نظرلەر ھىجوم مقصدىلە دگل ايدى .
 استقبال يوللىرىنى طلبەلەرە آچمىق مقصدىلە ايدى .

اسلام طلبەلەرىنىڭ نبيە دماغلىرىنە نشاطلى روحلىرىنە : (۱) طويماز بر رغبەت . (۲) ادبلى
 بر حرىت . (۳) كامل بر حرمت تلقىن ايتىمك آرزوسىلە ايدى : (۱) علوملارنىڭ فنونلارنىڭ ھەر برىنە
 رغبەت . (۲) بطالت كې . سفاھت كې ، جھالت كې . يامان تقليد كې قىودلارنىڭ ھەر بىرىدىن
 حرىت . (۳) فكرلارنىڭ حىقىقتلارنىڭ انسانلارنىڭ ھەر برىنە حرمت فضىلىتلىرى - شو اڭ بويوك اوچ
 فضىلت - بىزم طلبەلەرمىزدە بولونور ايسە ، يعنى ، ادبى قىمت شىخسىلەرىنى ادراك اسلام
 طلبەلەردە مەمكىن اولور ايسە . دجال فتنەلەرى دە ، ياجوج ماجوج استىلالارى دە ، انقلاب
 طوفانلىرى دە بىزە ضرر وىرمىز : مھدى انتظارىنە دە عيسى نروللىرىنە دە احتىياجىز قالماز .
 مھدىلەرمىزدە ھادىلەرمىزدە ، مىسحلىرمىزدە ، حتى ماسحلىرمىزدە ، ھەر برى اوزمىزدىن ، تورك اسلام
 بالالاردىن ظاھر اولور ، غالب اولور . مادى معنوى قوتلارنىڭ ھەر بىرىدە مدنى ملتلارنىڭ ھەر برىنە
 اسلام ملتلرى مساوى يا سابىق اولمادىقچە ، اسلام مھدىلىرى ظاھر اولاماز . امام مھدى
 ترقيياتىڭ ابتداسى دگل ، بلكە بوتون ترقيياتىڭ بويوك قوتىڭ نىتىجەسىندە واقع اولاجىق
 عدالتىڭ باش امامىدر . امام مھدى خىدەتلىرى يهودلارنىڭ مىسح نبوتلاردىن دەها زىيادە قىتەلە

البته ثابتدر. اشكال حدیثرده دگل، اشكال وار ایسه، یالکتر قافالرده در.
کتاب الله لاغلبین انا ورسلی - رسل خالیه دگل، اسلام رسوللریدر. خاتم النبیین
نبی محمدک خاتمیله تصدیق قیلنه جق اسلام رسوللریدر. رسل خالیه اولسه ایدی، استقبال
قسی مکتوب اولماز ایدی.

اجتهاد مطلق بزم فریضه مزدر، بویوک وظیفه مزدر. تشریح بزم بویوک قدسیلی
حقمزدر. رسالت اسلامی امت اسلامیهده تاابد متزاید اولوب، کالینه واصل اولاجق
نعمت الاهیدر. «هو الذی ارسل رسوله بالهدی و دین الحق لیظهره علی الدین کله.»
آیت کریمهلرینک احاطه عمومهلرندن خازج اولابیله جک نعمت اجتماعیه یوقدر.

شو کون بر یوزی قویاش (کونش) نورندن زیاده حریتلی علوم، حرمتلی فنون
نورلریله تنویر قیلندی. اسلام طلبه لری، تورک بالالری، همه کتر بورالره، مدنیت مکتبلرینه!
خانه کثره مدنیت نوریله، اسلام روحلرینی نفخ قیلکتر. تورک یری الله نوریله اشراق ایدر:
«واشرقت الارض بنور ربها و وضع الكتاب و جیء بالنبیین والشهداء.» الله جل
جلاله حضرتلرینک بویوک کتابی قران کریم حیات اجتماعیه کترک اساسی اولمق برکسیله،
اوز بالالکتر نبی اولور، شهید اولور. شارع حکیم حضرتلرینک نورانی روحانیتی شو
طریقله بر یوزنده تا ابد بر حیات قالور. نیابت هر برکتر: «المدسه الذی صدقنا
وعده و اورثنا الارض ننبوا من الجنة حیث نشاء. فنعم اجر العاملين» آیت کریمهلرینی
او وقت، صدق لسانیله او قورسز. شو کونگی تلاوتلر صوت دگل، صدادر. تلاوت
دگل، حکیمه در.

بویوک بابالرکزدن میراث اولمق اوزره، سزه قالمش برلرکتر یوزتلرکتر جنتکتر
اولور. کامل بویوک حریتله مطلق بر اختیارله بوتون مقدراتکتر بوتون سعادتکتر
الکثره اولور. پروله تاریات غوغالری فوضالری، قومونیزم ماجوجلری، قاپیتالیزم
یا جوجلری او وقت سزه خطر اولماز. بسم الله، ایلری!

پتربورغ - له نین غراد. ۱۹۳۰ سنه مارس ۲۱ ده یازلدی.

موسی جارالله.

کاشفارلق عبدالرحمان آخوند نصرالدین برادرلق سواللرینه

جواب اولمق اوزره یازلمش اثرلرلق بریدر شو کتاب.

اسلام ملتريٽنگ بويوك التفاتلرينه

رغبتلى تورك طلبه لرينه علمى ادبى فوائد ويره بيله جك شو اثرلرئك نشرينه الله جل جلاله حضرتلرينك بويوك ناميله ، باشلادق :

- قران كريم آيت كريمه لرينك معجز افاده لرينه كوره ، (1) كائنات هيئتى ، (2) مديت تاريخى ، (3) عهد عتيق عهد جديد انبىارى كتابلرئى ، (4) عائده خاتون ، (5) خلقت حادثه تسمى (6) امانت الاهيمه حقيقتى ، (7) تعليم الاهيمه طريقرلى ، (8) كلام حقيقتى ، (9) انسانلرئك كرامت الاهيمه لرى ، (10) قران كريم حروفئى ، (11) مصاحف اسلاميه الفباسى ، (12) اسلامك اولكى عصرلرئده خلق قران مسئله سى ، (13) قران كريم آيت كريمه لرينك نورلرى حضورئده فلسفه هم تصوف اصوللرى ، (14) حجت الاهيمه ندر ؟ (15) مديت عصرلرئده خلافت اسلاميه نظامى ، (16) صوئك زمانك عبرتلى حاللرى حقئده مهم خاطرهلر ، (17) تورك مدنى قانونلرى حقئده ادبى علمى ملاحظهلر ، (18) مسيح ابن مريم ، (19) ياجوج مسئله لرينك نهائى حللرى . (20) تورك طلبه لرينه كچى اوراق توفهك اثرلرئك! نشرينه شروع ايتدك .
- اثرلر امتك تقديرينه نائل اولور ايسه ، رغبتلى تورك طلبه لرينه آرزوق ادبى علمى فائدهلر ويره بيلور ايسه ، قديم معاصر اسلام عالملرينك قيستلى حريئتلى فكرلرينى ، شو كوئوكى مديت دياسينك حرمتلى روحلى بويوك فكرلرينى تورك طلبه لرينه عرض ايتوب طوبق بزم لذتلى آرزولرمزدر ، شرفى وظيفه لرمزدر . بويوكلرئك نصيحت لسانيله سويله نه جك ارشادلرينى طلبه لرينك استفاده بويله عرض قيله جق التماسلرينى ، هر وقت بويوك ممنونيتله ، قبول ايدرز ، البته ، انشاء الله .

روضه سعادت يارلرينك مبارك فيوضاتلرئدن الهام آلوب ، امتك هستلرينى ده كوزده طوتوب ، الله جل جلاله حضرتلرينك هر دقيقه عونلرينه اعتماد ايتدك .

موسى جارالله

MUSA BEY

Berlin W 15

Kaiserallee 204 bei Woide